



倪雲林先生詩集



倪震林先生詩集

四部叢刊初編集部

上海商務印書館縮印
秀水沈氏藏明天順本

雲林詩集前序

東吳當元季割據之時智者孰
其謀勇者孰其力學者售其能
惟恐空或沒而有甘抱法貞絕
俗之態率閔其用全其身而不
失其所守者非篤於自信不能
也錫山倪雲林先生是焉先生
諱瓚字元鎮雲林其自號也家
故饒於資至先生始經財好學
崇築法閔閻蓋古書畫於中人
罕然其以愛寫溪山竹石政詞
稿皆極古意性甚狷介好索絕
類海岳翁然尤多自晦區有若
孟駿言似畫弃其所蓄如奕碁

然率之扁舟獨坐焚香弄翰以
與漁夫野叟混迹於五湖三泖
間又躬天隨子阮而

大明花天六合一統庶今且百
年矣彼之偉功譽於一時者隨
馳電迅泯無聲迹之可尋而獨
先生詩畫流落於人世雖法孫
不意拱壁耽玩之際猶覺法風
灑然使人為之興起嗟謂非篤
於自信者能然乎先生之詩僅
嘗見於題咏近得常之弟漢蹇
君朝陽彙稗五七言古律絕句
總若干卷走書

京師俾予評之以傳予謂其清

新典雅迥奇一語差俗氣固已

類字為人然真之陶常岑劉間

又孰古而孰今也耶大美言酒

不和而自醇生絃疏越一唱而

三彩有遠音若矣朝陽讀書好

義為先生之誼而重其才實愛

是集欲傳之其窮真可謂深知

夫詩而樂揚人之善者歟不然

則是編也其不至於湮沒無聞

者幾希故不辭而為之序

天順四年歲舍庚辰菊月既望

翰林侍 讀學士奉直大夫直

文華殿雲間錢溥書



倪雲林先生詩集目錄

卷之一

四言古詩 五言古詩

卷之二

七言長詩

卷之三

五言律詩

卷之四

七言律詩

卷之五

五言絕句 六言絕句

卷之六

七言絕句



倪雲林先生詩集卷之一

荆溪 蹇 曦 朝陽 編集

四言

義興異夢篇

辛卯之歲寅月壬戌我寢未興戶闔于室爰夢異物
黯淡慘慄或禽而角或獸而翼夔足駁奔豕形人立
往來離合飛搏跳擲紛攘千態怪技百出予茲泊然
抱冲守一廓如太虛雲歛無迹晨鷄既鳴冠櫛斯畢
步庭而咏已化奚恤春風惟振亮月在席獨弄何損
榮華匪益獨以圓悟境無順逆愚夫說夢轉墮迷惑
滔：天下病者良極僕我大雄極此羣溺

至正十年十月廿三日余以事來荆溪重居寺

主邀余寓其寺之東院凡四閱月待遇如一日

余將歸廼命大覺懺除垢業使悉清淨乃為寫

寺南山畫已因畫說偈

我行域中求理勝家遺其愛憎出乎內外去來佳止
夫豈有碍依柔或宿御風亦邁雲行水流游戲自在
乃幻若居現於室內照宵中山應七不昧如波底月
光燭眇昧如鏡中燈是火非詒根塵未淨自相翳晦
耳目所移有君盲瞶心想之微蟻穴堤壞鞞然一嘆

了此幻界

頌畫上

義興之山維水弥，載遊載咏操觚挾几聊樂一日百
歲奚僕

倪雲林先生詩集卷之一

荆溪臺 曦朝陽 編集

五言古詩

春日雲林齋居

池泉春漲深逕苦夕陰滿詠紫霞篇馳情華陽館
晴嵐拂書幌飛花浴茗盞階下松粉黃自問雲氣暖
石梁蘿葛垂鬢行踪斷非与世相遠冥栖久忘返

次韻懷張外史

緬懷蕭閒館乃在華陽天燒香當陽谷濯纓向泉
真靈浮空至樓觀与雲連彈琴明月下飄舞胎仙

雨中寄孟集

英々西山雲翳終日雨清池散園文空林絕行屐
野性夙所賦好懷誰共語燒香對長松相与成賓主

聽素子方彈琴

蕙帳凝夕清高堂流月明芳琴發綺席列坐散煩纏
迴翔別鶴意縹緲孤鶩鳴一寫冰霜操掩抑寄餘情

贈天寧福上人

荆溪霜落後銅官日出初自攜頭上髮更理篋中書
上人從定起咏言方繞除迢發微咲幻身同太虛

十二月十七日過与之洛澗山居留宿忽大雪

作及明起視戶外岩岫如玉琢削竹樹壓倒逕
無行踪飄瞥竟日至暮未已雪深尺餘因賦詩

留別

世途紫苒苒歲晏不知歸密雪竹林夜挑灯共掩扉
蕭條塵慮淨詠咏玄言微遇此岩中賞心事悵多違
為方厓畫山就題

摩詰畫山時見山不見畫松雪自纏絡飛鳥亦間暇
我初學揮染見物皆畫似郊行及城遊物歸畫笥
為問方厓師孰假孰為真墨池挹涓滴寓我無邊春

奉謝張天民先生

鳴鴈將北歸襄回舊栖處江湖春水多欲去仍回顧
稻梁豈余謀繒繳非所慮猶為氣機使暄冷逐來去
寒々天宇寬彼此同一寓風萍無定踪易散聊為聚
君看網中魚在波猶相煦

夜泊芙蓉洲走筆寄張鍊師

芙蓉猶滿渚疎桐已殞霜泊舟菰蒲中吳山隱微陽
因懷靜默士竹林閤玄房煮茗汲寒澗燒丹生夜光
憶与鄭郊輩閑咏步脩廊時子有所適顧瞻重尚羊
庭下生苔藓爛間緒詩章奕勢鄭老勝酒榼郊生將
雅歌雜詠諧列坐飛羽觴子歸日已晚棗栗亦傾筐

揮手輒謝別暮宿荒城傍遲明趨西期待子鄭公室
晨往遂至昏企望徒傷乃嗟仙真馭固非世所望
惻々理歸棹泛々秋浦長還尋甫里陸更醉山陰王
素冠斯馳贈喜知終未忘余茲將遠適旅泊猶彷徨
微風動虛碧初月照石梁曠望對清景賦詩托陳郎
茯苓思同煮夜雨共庄床

蕭閒道館聽素南宮彈琴是日風雨蕭然有感
而作

玉琴轉清亮風雨更飄飄疎桐蔭高館朱槿耀芳條
生物曷可遏撫事發長謠弱齡陪清譙髮想垂髫
相見日以老離居夢且遙秋江渺雲水去鶴影搖々

送高太守之秦郵

秦漢置牧守猶古之侯伯封建而郡縣仁政固不易
漢宣知所本留意二千石慎哉高侯車願循古轍迹

蕭閒館夜坐

隱几忽不寐竹露下泠々青灯澹斜月薄帷張寒窸
躁煩息中動希靜無外聆宵然玄虛際詎知有身形

和答吳宣夫對雨見懷

溽雲交陰晦零雨隨風濤的皪集蓮池飄飄洒蘭皋
朱絲緩瑤瑟綠錢生寶刀撫事增慨慷端居倦遊遨

虞世每慚柳惲人徒詠陶脆質愛靈藥閒情宣弱豪
走筆次陶蓮韻送葉恭謀歸金華

手把玉芙蓉青天騎白龍出入人間世飛鴻踏雪踪
瑤草繁可拾羣峯森玉立璧月挂天南離々星斗濕
君昔在山時玉韞山有輝因同白雲出更與白雲歸
白雲無定處豈只山中住河漢共紫紆經天復東注
金華牧羊人游戲不生嗔嘆拂岩前石行看海底塵
手調白羽箭陋彼磨銅硯一語不投機歸牧寧再見
士豈始隗乎全趙匪相如項王疑亞父竟亦龍為魚
擾々何時已百年聊寄耳良也報仇歸言泛赤松子
去山今幾年還山大學仙天台司馬宅雲氣近相連

双寺精舍新秋追和戎昱長安秋夕

秋暑晚差涼茗餘眠獨早清風振庭柯寒蛩吟露草
晨興面流水西望吳門道不知人事劇但見青山好

偶成

積雨不為休蕭條使人愁衣吟四壁靜病卧百虫秋
開門望原野江湖漭交流誰能載美酒為我散煩憂

次韻曹都水

杜陵布衣第許身稷禹行賦詩原正始感事多哀傷
煌々萬丈焰及々數仞墻君能仰餘輝假日尚升堂

拖擔息荒途日莫將安之扶彈狂遊子聞鷄輕薄見
衆方巴人唱獨歌陽春詩天門何嚴邃綠窓隱翠巖

贈錢鍊師

鍊師好神仙望拜金母臺賈之應玄運煌之秀靈芝
天風流瓊響夕露調玉盃鳳栖池上竹雨添塔下苔
時見兩青鳥碧海傳書來感此忽自咲飄然遺氛埃

送甘允北上京師

翔鴻縱高姿流水去不息枉道別友生揚舲望京國
婉耍前途愁蕭條餘景匿神京衣冠會左右金陽宅
驅馬流星繁垂軒春霧集嘉子玉質朗早通金闈籍
行逢明主願入補詞臣職束帶向晨趨陪讌終日吳
芳年易為晚所願崇令德英之白雲飛渺之青山隔
秋風應節起万里思親客遲子返舊居嚼盃數相覲

寄段吉甫

昔者段干木淪垣避其君冥翳岩穴間清風扇炎氛
德綿百世下吉甫賢且文神寓養奇采芳芷結幽芬
回視當世士鷄鷩正紛紜區之事夸敏子獨介不羣
舍瑟作而嘆此道誰復云

送章鍊師并寄鄭有道

良觀忽云阻桐花今亦繁落日滿洲渚揚舲念孤鶩

目懷息機叟蘊真浸灌園晨掃石上雲佇子接清言

玄文館讀書

玄中真師在錫山東郭門立靜舍拂玄文館幽處
故朗可以閒處至順壬申歲六月余處是蕪旬謝
絕塵事游心澹泊清晨掃沐竟遂終日与古書古
人相對形忘道接脩然自得也又西神山下有好
流水而味甚甘列与常水異館去西神山遠不出
五里故得朝夕取水以資茗茹之事居茲館讀書
研道之暇時飲水自樂焉乃賦詩曰

真館何沉之冥廓神明居陽庭肅宏敞丹林鬱扶疎
曠言茲遊息脫屣榮利區檐楹初日麗池臺涼雨餘
焚香破幽寐飲水聊舒徐潛心觀道妙詠詠古人書
懷澄神自怡意恣理無遺誰云黃唐遠泊然天地初
迴首撫八荒紛攘蚍蜉如願泛消搖遊何許崑崙墟

述懷

讀書衡茅下秋深黃葉多原上見遠山被褐起行歌
休之墟里間農叟荷篠過華林散清月寒水澹無波
遐哉栖遁情身外豈有它人生行樂耳富貴將如何

題驪山圖

校獵上林苑洗馬昆明池霜威蕭笳鼓雲氣登車旗

馬班陳賦咏衛霍綏蠻夷王風既未遠文明方在茲
逶迤霄漢上鳳凰尚來儀

蛛絲網落花

落花綴蛛網蜀錦一規紅既暎綺疏外復照碧池中
含悽恣餘景散魄史微風昔人間榮穢詎識本俱空

冬日窓上水影

日池浮湛滄霞牖上縈迴數肢三素雲照耀青蓮臺
高流輝自下含漪欲沒開尸坐以默觀靜極自春回

雪泉為王光大賦

高齋面絕壁林密迳難尋風落松上雪零亂幽澗陰
皓潔映鶴氅清圓和瑤琴閑咏以自樂聊用忘華簪

丙子歲十月八日夜泊閭門將還溪上有懷友

仁陸徵君

明發辭吳會移舟夜淹泊空宇垂繁星微雲暝前郭
沉々抱冲素悄々傷離索歸掃松迳苦遲君踐幽約

聽素負外彈琴一首有引

至正四年十一月素負外來林下為留兼旬臘月
十七日快雪初霽庭無來迹与僕靜坐自取琴鼓
之古音蕭寒如茂松之勁風春聲之流水負外時
年八十有二顏貌筋力未如四五十許人為言甫

弱冠遭逢盛明初宰當塗過九華山道逢神人以
棗食之後數々見夢寐間若冥感玄遇者負外韜
韞蘊真任祿以自給不為人所知豈郭恕先之流
坎為賦五言一首

郎官調綠綺谷雪賞初晴兩忘絃与手流泉松吹聲
問言踰八十二嘗見河清挂帆望九華神人歛相迎
咳以海上棗歡慶若平生玄遇寧復得惜哉遺姓名

早春對雨寄懷張外史

林卧苦泥雨憂來不可絕撤帷望天際春風吹木末
飛蘿散成霧細草綠如髮念子獨高世南山脩隱訣
撫弄無絃琴招邀青天月神安形不凋跡高行自繁
思之不可見飢渴何由歇願為鸞鶴翔南遊拂松雪

懷寄強行之常州學官

君在西溪上年々楊柳春提壺坐柳下邀我見情真
青葉已垂帶白花還覆蘋別來今見柳思尔采芳芹
三月六日同李徵士遊禪悅僧舍礼上人出柯
博士所賦詩以示僕而博士君歿已二年展誦
為之悽斷因吹第其韻于後

佛生七佛後乃知青出藍寒月留孤光世人徒指談
嗟余墮狙網朝暮逐四三悲嘆明鏡塵何由息禪龕

戊寅十二月丹丘柯博士過林下賦詩次韻酬

卷

積雪被長坂卧病守中林山川雖云阻舟楫肯見尋
傾盖何必舊相知亦已深驚風飄枯條清池冒重陰
聯翩双黃鵠飛鳴綠水潯願望思鬱紆襄徊發悲吟
願言齊羽翫金石固其心歡樂何由替黃髮期滿簪

已卯正月十八日与申屠彦德遊虎丘得容字

余適偏入城本是山中容舟經二王宅弔古覽陳迹
松陰始亭午嵐氣忽歛夕欲去仍襄徊題詩滿蒼石

古詩二首奉送友人賢良之京師

春風吹蘭萼佳人將遠遊 何當還神京鬱雲浮
瞻言美邁志飛轡不可留宜無金閨考与子結綢繆

河山風氣雄江水日夜流遙瞻雲中廡庶以慰離憂

吳山朝靄外閨門春雨餘忽忽孤帆遠天末浮雲舒
君今北關遊我栖南山廬荷鋤事耕作閉戶詠詩書

高林鳴禽曙青苔行迹疎还期茅簷下一柱故人車

江陰袁仲微作軒名篔簹林日夕嘯咏其下至正

十二年二月廿四日訪余南蘭陵寓舍徵僕賦

詩遂走筆成書不能及道軒中清事也

風生篔簹谷雲迷渭水原蕭々春雨後發々清陰繁

憶昔文使君燒筍具盤珍彭城詩適至大笑飯為噴
風流成異代寂寞今誰論夫君豎陽隱字徵其姓袁
二仲接侏遊子猷時到門寇同薩縣製坐對宣城尊
翠羽共栖託鳳雛亦孤鶩載誦偃竹記忽若聞清言
邈哉古人跡尚友不可讓

杜真人聽松軒

計籌白石頂聞有丹丘生和王飲晨露褰林食絳英
止鶴眠松警螢火照書明為善得仙道儵然不近名

擬陰常侍一首奉寄刘秘監趙貞外

幽并游俠地都城百雉連河漢瞻疑近雲霓信是仙
樓外霞欲曙花將月共妍摘豪傾藻思賦之為傳
還知跨烏鵲夜宿綠雲邊

玉壺中插瑞香水仙梅花戲咏一首

寒梅標素艷幽卉弄妍姿團々紫綺樹共耀青陽時
折英欲遺遠但恐傷華滋置之玉壺水芳馨消歇遲

秋夜賦

清漏下數刻踈鐘仍獨聞零露溥夕影端居澄俗氛
恬淡斯寡欲榮名非所欣樂笑咏王風忘年栖白雲

述懷

嗟余幼失怙教養自大兄厲志務為學守義思居貞

開戶讀書史出門求支生放筆作詞賦覽時多論評
白眼視俗物清言屈時英貴富烏之道而思垂令名
大兄忽指館母氏繼淪傾泐災肺肝裂練祥寒暑并
釣耕奉生毋公私日侵凌毘勉二十載人事浩縱橫
輸租膏血盡役官憂病嬰毘勉事汚俗紛攘心獨驚
聲折拜胥吏戴星候公庭昔日春草暉今如雪中并
寧不思引去緬焉起深情寔恐貽親憂夫何遠道行
遺業忍即弃吞舌還力耕非為螻蟻計興已浮滄溟
雲龍龍蛇噬不復辨渭涇巖巖阿靈芝燁紫莖
有志而弗遂悲歌歲崢嶸治長在縲絏仲尼猶巫稱
愁康肆宏放刑慘固其微被禍以懷王天爵非外榮
賤辱行豈玷表襮徒自矜蘭生蕭艾中未嘗損芳馨

泊舟一首

泊舟嘉樹下開牖碧江潏慨然念黃落景憇惜清陰
多暇觀魚鳥容占一登臨就迹塵喧久欲寡天機深

贈王光大

春服始輕體嘉樹欲垂陰夫樹結秀色江流涵碧深
晴絲正高下好鳥亦嚶吟豈無伐木詩怡此風雪心

次韻答支生

虞世若過客鴉之行道孤願友吉德士邈焉如鳳雛

人而無恒心未易為醫巫往者不可作玉匣埋珠襦
枳棘何榛々上有鴟梟呼維桐鷲栖止來匪應時需
卓犖千里馬壯氣塞九衢駕駘宜其偶齟齬當並車
龍可豢而致魚鮪固充廚未聞商山翁妻屢稅以租
俗人難与言長吟野知澗青松在澗壑坐閱霜柳枯
所嗟鄭亂雅漫思紫奪朱至道安可言多金豈徵符
忽為雙蓬著憔悴悲路隔草豳咏王風耿々心動劬

次韻姑蘇錢塘懷古

西子承吳寵餘踪見古堊空遺昔時月無復昔人來
其臺邊越兵路幾見起兵埃

釀酒劍池水玉壺清若無揮盃送落月山鬼共歌呼

松間灯如冰白骨漫寒蕪

耕鑿古隧穿乃吳桓王墓金鷹隨冷風黃腸畢呈露

悲歌異今昔踟躕緩歸步

仙人悲世換寔景在清都寒暑自來往英雄生釣屠

錢唐江畔柳風雨夜啼烏

江山國破後弔古一經行輦路苔花碧柳溝落葉生

古跡今寧有新城江上橫

南山靈石澗翠檜松閑張君已厭世乘螭遂不還

蘿磴餘幽蜀今復誰躋攀

贈惟寅

隱几方熟睡故人來扣扉一嘆無言說清坐澹忘機
衣上松蘿兩袖中南澗薇知尔山中來山中無是非
三十不娶妻四十不出仕消搖岩岫間翳名以自肆
何曾問理乱豈復陳美刺高懷如漢陰終老無機事

送惟寅

春江烟靄綠遠樹明清旭歸鴈影斜鳴聲斷復續
陳君挂帆去偕与鴈相逐水際白雲度山中甘雨足
安得逆耦耕柴門藝松蒿去且入滅懷抱向誰傾
姚公有古道虛夷多遠情俾尔遂高隱狂歌樂幽貞

貞松白雪軒小韻賦

至正二十三年正月廿日白句吳倪瓚与某某會於

貞松白雪軒其地林石奇勝窓牖明潔軒中主人
又好文尚古有文武功款坐設酒饌相与嘯咏以

小謝雲中辨江樹分韻各賦瓚得辨字

境靜塵慮清雨餘山先变池館闕虛閣琴酌中纏絳
蔚秋春木榮想我飛翮倦石間有題字苔蝕已難辨

對春樹

端憂對春樹影落身上衣美人手所成綉願無違
步庭悲往躅瞻景惜餘暉芳襟沾雨露濕蘭珮委風微

疑思自的々染澤尚依々晨鷄催夢短夜鶴逐魂飛
歎愛自茲畢憔悴捐容輝

送致用游閩

韓衆禹穴未語我長生訣偶坐聽春雨々止即言別
乃知茅君山貞居相往還山經許寄我依々師友間
貞居登真久識子十年後製筆箱出遺文猶作蛟鼉吼
子去遊七閩漁浦桃花春白鷗飛送尔傳椀採綠蘋
慢亭幾日到言咲邈無日憑將棹歌去歌向武夷君

送馬生

送子淮南行繫舟江岸柳翠影舞晴烟落我盃中酒
李盃向落日春水浮天碧時見白鷗飛雪光翻綺席
應咲披羊裘独釣江邊石

寄楊廉夫

吳松江水春汀洲多綠蘋彈琴吹鉄蓬中有古衣中
我欲載美酒長歌東問津漁舟狎鷗鳥花下訪秦人

寄李隱者

南汀新月色照見水中蘋便欲乘清影緣源訪隱淪
君住鈿山湖綠酒松花春夢披寒雪去疑是剡溪濱

寄韓介名

江上雨雲歇夕陽歌吹濛朱絃彈綠綺令我憶韓衆

魚戲弱藻下鳥飛明鏡中夢乘清浦月直過雲溪東
次韻呈張德常

陶公典寓酒杜老愁亦酌寡傑千載入處世何磊落
吐詞蔚忠義安貧務簡約嗟哉弊腐爲選矣鳴皋鶴
朱火

朱火日方永涼風拂琴絲麋鹿遊臺苑燕雀悲人惟
蕩然京輔地無凌漢官儀衆芳日蕪穢陰翳方自茲

黃本中書齋爲寓寄傲窓圖

庭樹綠交蔭時鳥語清綿春竹羅迤萼夏花敷治道
慨然三季後契彼羲農前古井汲脩綆空齋絕素絃
長歌歸去來悟悅陶公賢終尋桃花庵息景窮幽玄

爲徐有常登葉湖別墅

葉湖水淪連松陵在其西望見吳門山波上翠眉低
白蘋晚風起寒烟遠樹齊水蕉籠筆格露柳罩金提
居貞寧汲旅泊自栖屏處觀魚鳥風而夜鳥啼

寄穹隆主者

山雲淡縱橫幽鳥攷上下寂寥非世欣自及怡靜者
平生卧遊趣屋壁何勞畫還期煮茯苓地炉同夜話

題原道西溪草堂

春水孤村迥荆溪晝畫西晚日鳴榔起山雨竹雞啼

櫻桃花已落蘼蕪未齊酒船尋智監早晚到幽栖
煮石山房

汲澗煮白石雲栖萬間隈敲石發新火荆薪籍餘灰
坐候弁降理靜觀寒煥嫌遂忘石鼎沸乍疑山雨來
丹成同此術鶴化詎能猜我亦養金液清淺咲蓬萊

畫竹贈以中

吾友張以中少年如老翁因過脩竹裏邀我碧岩東
琥珀醪釀玻璃瓊茗碗紅子端今已矣千載事同風

題墨竹送顧克善府判之高郵

高郵古淮甸世產不乏賢顧君性佐郡才華當妙年
歌詩隱金石八音以相宣侈我錦囊句雅甚朱絃絃
而此艱虞際撫事一愴然飢者易爲食君能念顛連
何以贈子行墨君霜節堅

入郭

我初來城郭新綠餘蓋薇今我既出郭秋蓮落紅衣
郊居豈爲是市隱勿云非去將何送西山行路微
塵至夸昆海游潛四月餘賦歸亦無家塊處蝸牛廬
身世一逆旅成虧紛疾徐反身內自觀此心同太虛

聽錢文則彈琴

牛鳥野窻中雞登山木上黃鐘雜姑洗春容以清亮

別鶴暮鳴飛流水春演漾愛尔絃手忘令我形神暢
憶昔檀舡事宋素余所向錢君生後迨軼絕塵軼
操琴晚聞道月斧揮天匠杳如清廟瑟朱絃聽歌唱
古道久寂寂古音亦淪喪促軼淚沾纓歌詩重悲悵

題畫贈岳道士

羨與岳道士野鶴如長身我知弥明徒不是侯喜倫
結喉吟看筆缺春霜髯新手中石碁子頭上漚酒巾
久居離墨山自謂無懷民表亂不經意松陵器十旬
香雲作輿衛長松為主賓既滋教畦菊淺種二畝芹
樂哉以忘死道富寧憂貧為我具舟楫相期桃花源

贈王仲和

荒城夜風雨草木曉離披桂棹逗虛牖苔文滋硯池弄
翰聊寄逸永日以自怡且盡一日樂明朝非所知

訓張德機見贈

嘉藻狂我前令人意也消展詠當前除清陰起涼臆
出何去岩穴隱何逃市朝仙師赤城霞旦夕存神標

贈張士行

雲門有逸客非仕亦非隱玉井千尺泉此士難汲引
結交雲林吏不顧俗嘲哂我独唯任真子德常戒謹
相知既有素力學仰顏閔久別見顏色英姿固天京

欲踈不能忘欲藪不可近

贈友生

春林積雨晴江渚烟波綠谷鳥語綿蛮澗泉聲斷續
蘿逕無來踪空山聞伐木時接清琴坐還同白雲宿

九日過秀行用韻一首

蕩舟烟景晚舉盃當素秋黃花忽在眼白髮乃滿頭
臨流發悲嘆援琴歌楚調羅席更淹留明月波間照
何事鹿皮翁逃名隱屠釣

又賦

九日喜初晴登高向何處山色見微茫波光淡容与
鼓柁逐輕鷗看雲覓新句道值無懷民相對澄神慮

登竹贈徐季明

樵樹陰當戶時聞好鳥鳴独携一壺酒展席坐前楹
招邀白鶴侶吹弄紫鸞笙香日景晚約約飛絮輕
風翻竹影乱明月已東生

對酒

題詩石壁上把酒長松間遠水白雲度晴天孤鶴還
虛亭映苔竹聊此息躋攀坐久日已夕春鳥聲闌

贈野處民

水声轉屋西山翠浮屋東床前苔滋雨門外松吟風

怡然無外慮心廣神為充曲肱以飲水至樂在其中
擊壤歌往古寧知事王公

龍門茶屋圖

龍門秋月影茶屋白雲泉不与世人賞瑶草自年々
上有天池水松風舞淪連何當翫飛鳥去采池中蓮

靈鶴辭

陶公職仙署子良亦冥通所脩楊許業存思在祝融
周卿宅丹元未徹仰仙宗神明接祈禱虛夷恒恪恭
飛霞煥玉檢流響徹金宮白鶴翔香烟倦載冷風
舞影綠雲上命侶青田中晨去瑶草春莫歸海塵濛
真靈忽降室羽車儼浮空步虛酌明水逶迤清夜終

畫贈呂志學

江雲昏絕嶽汀樹斜陽獨立霜柳下渺然懷故鄉
歸來茅屋底篝燈寫微茫

畫竹贈志學

綠竹飽霜雪歲寒無在容風至天然笑復愛夏陰濃
寒暑不能移德比栢与松豈若桃李榮春在但丰茸

卷張鍊師

安居已度夏卧病乃經秋朝菌悲影短風萍歎波浮
寸田勤自治德宅可歸休慎勿与时競心境似虛舟

昼竹寄友人

先春競桃李凌陽歎蒲柳謝君靜者徒種竹安所守
亭々清淨心懋對々霜雪後賦詩寄遠懷此君真可交

陸德中祈雨有感

辟穀清虛久晨窓冷絳霞段濯神咸池水宴景丹元家
憂國悲民瘼早郊起雷車枯魚出涸轍槁苗生稻花
我任清江渚種芹遠江沙忽乘蓮葉舟贈我仙掌茶
擬訪安期生為覓素如瓜

卧病

早憂命觴竿暴下忽經旬止酒卻腥腐端居謝喧塵
麈穢除内滯清虛以怡神江雲載飛雨飄々洒衣巾
矯首詠玄虛精思候仙真道園遊活淡心兵息狂狷
冷然風濤靜鼓柁銀河津戒我貪饕餮子病源果何因

次韻金希言

卧病久不憚微瘳起行吟迺苦無來迹出門江水深
懷我平生友金蘭契同心欲共一尊酒道遠力不任
有客闌我戶晤言樂中林飄蕭綠髮仙亦見雪滿簪
取琴与子彈悠々山水音能成伐木詩歌以慰所欽

次韻張伯琦

長嘆悲人案彈琴想天際夏殷禮相因孰謂周可絃

大道久榛蕪高才日凌替遺書歎不泯棧受豈有二
鄧孟道性善宅路喻仁義後生事言說慨彼涕沾袂
允矣二三子仰鑽互立志松栢受命獨歲寒爵蒼翠
誰欬無媿作風駕尋吾契

酬友生

擁褐南榮下晨暉煖似春忽思王子晉醉着白綸巾
游宴無冬夏清狂忘主賓能持麋鹿脯寄与不羈人
贈陸有恒

學行美德業孝弟為本根朝益以暮習夏青而冬溫
無逸勤稼穡軒轅持戶門勿為習俗流必念古義敦
謹身尚節儉泛善報蘭蓀堯舜雖有子朱均乃淫昏
欸繇何頑凶子也大聖尊蓮固生汙泥木可為犧樽
簡編蟲蟬出各有至理存惟人異禽獸暴弃湮其源
惟學必由本根深見枝蕃于何繡擊悅外飾奚之論
安宅王路間尔居行尔棘斯道迹且易至樂不可護

尋友人不遇

洲渚多落英沂流尋遠山輕舟載美酒搖蕩綠波間
俯詠拾瑤草遐思隘塵寰富緣忽失遇悵望遂空還

啄木

何處啄木鳥飛止于喬林微形亦以勞終日聞其音

所願木向茂不使蟲日侵吁嗟人之後曾不如鳥心
次張仲率韻

秧疇蒔已遍午饑休中林忽聞輶車至攬衣欣慨深
遂尋脩竹下共憇西澗陰汲泉以煮茗遐哉遺世心

薛常州讓田詩

延陵古吳地秦伯有遺風仁讓自家國士民知孝忠
春暉草心碧日暮荆花紅為感使君改嗟時誰与同
贈友

父子相師友周南義理門阿翁如玉潔賢嗣似春溫
舍後自生笋堂陰亦樹萱西山近在望靜默以忘言

潘公鳴皋軒

白鶴面示靈質翩々有奇姿海月比高潔岩雲共逶迤
池上菖蒲花春烟紫綵々飛鳴聊飲啄乘風來下之
我登鳴皋軒遂賦鳴皋詩安得赤玉鳥鶴上吹卷羞

西老園

吊古歎流俗高人陳太丘開窓玩蘭雪邀我登瀛洲
池上賦清林間遠遊悠然遂永日下榻更淹留

為張米儀賦匡山讀書處

廬山鬱岌崑上有香炉峯影落碧天外翠玉琢芙蓉
牽蘿讀書處雲磴無行踪猶遺石岩苔花開紫茸茸

愁心飛春雪實劍沉雙龍應化蘇軌鶴歸樓千歲松
仙岩採芝叟久別尙相逢

吾友陸友仁甫舊得古銅印一紐以示余辨之
文曰陸定之印以名其子而字之曰仲安友仁
既沒仲安求為賦焉

吾友伯仁甫覽古閱世旨示我古印章始得自幽并
辨之曰定之釋義為介名既名字曰安易我在敬誠
仁甫今則亡緬懷涕沾纓繫昔黃太史結交漢米生
手持玉刻文螭細交縱橫上有元暉字印利与弗輕
波動字其兒祖武其莫可繩久矣學業懋繼述暉芳美
書畫比二王價重十連城高躅思仰止景行尔其行

惻：行

三月十五日陸玄素將過梁鴻山歸吳松之上是
夕坐至夜分始別余入舟賦此迨至梁鴻山寄之
以定及冬重來之約

惻々海惻々憂思漫中發感子遠來訪畏子遽言別
不有同心人何以慰孤寡矧茲春夏交蕭艾盈路側
江水亦浩濶風帆還飄突行將阻携手轉覺意忽々
交好匪在今高誼敦自昔人生寧無別所悲歲時易
坐嘆草萊紫還傷蕙草碧僕夫竊相告怪我悲憤塞

山中梁鴻栖江上陸機宅井田今蕪穢鶴唳亦寂寞
余往經其墟徘徊但陳迹天地真旅舍身世等行客
沈々何所損皎々奚自益脩短諒同歸教面聊懽懽

瞻雲軒

金君伯祥名其先君墓左之室曰瞻雲軒蓋以寓
夫孝思油然而義也若夫父祖之魂氣精神其胎
合感通之妙齋思則如見敬祭則未格開牖則天
光臨鑿池而泉脉動洋洋乎如在其上如在其左
右者雲豈足為喻哉於是廣其義而為之詩曰

白雲起石上迅逸如迸泉汎演乎林莽飄颻乎山川
飛霞共聯絡凱風与周旋開軒滌遐想我思何綿々
碩瞻忽在茲亦溘停披烏卷舒無定理變幻徒縈纏
興念松下塵若承鶴上仙空花結浮豔羽態交我前
戚欣送妄起心替 然當識太虛躰勿随形影遷

張尊師祠醮感致瑞鶴

我識白雲君高友赤松子仙署閱清嚴社公隨後使
步虛礼初日飛神謁鈞天時有五白鶴飛：遶香烟
手裁千樹桃風吹却却灰盡避世星壇西深竹聞清磬
倏來密霧集忽逐冷風还窓裏遺璫瑟空辛辦珮環
題趙若岩龍山精舍

我生倦馳驚無機如漢陰重遊古蘭若對山開我襟
風流李謫仙賞靜謐風心琅然哦新詩如聞大雅音
回首石林晚白雲花雨深

池蓮詠

迴翔波間風的歷葉上露清池結素彩華月映微步
雲陰花房歛雨歇芳氣度欲去拾明璫踟躕惜遲暮

送陳惟允之金陵

雪消江水綠花發治城春白下烏衣處輕舟去問津
指日望京國行歌非隱淪好及三釜養歸來以榮親

送呂養浩之紹興

賀監宅前路荷花今亦無空餘湖上月照見水中蒲
送爾作官幽絕處錢塘江頭飛柳絮聽事臨堤滿夕
嵐時有沙鷗自來去

徐氏南園對雨

櫻桃花欲落風雨暮悽迷忽憶郊園日竹林通欄西
弱蔓滋野接蘭葉長芳畦念我當時支蒿羨沒日溪

題畫贈九成

故人鄉掾史邀我宿溪舡把酒風雨至論詩烟渚前

晨興就清盥思逸愛春天溼過武陵守共尋花滿川
至正十二年三月八日冒風雨過九成荆溪舟中

劉德方即官方舟烟渚留宿談詩明日快晴移舟
綠水岸下相与嘯咏仰睇南山遙瞻飛雲夾岸桃
柳相廂如散綺霞撥芳芹而薦絮滿山郭而樂志
九成出片紙命畫眼前景物紙惡筆九回欲聘其
逸思大之騏驎康莊也歐陽公每云筆硯精良
人生一樂書畫同理余亦云焉時舟中章鍊師岳
隱者對奕吳老生吹洞簫

改早春對雨寄懷張外史

林叶對雲雨憂來不可絕襄惟望庭際春風動林樾
飛蘿散成霧烟草綠如髮不見高世人飢渴何由歇
神鷲戲玄圃巨鱗偃溟渤尔亦碧岩中遁形脩隱訣
燒香庭竹淨洗研池苔滑取瑟和流泉操瓢酌明月
跡高行亦苦水蘂忘芳潔何當往相尋拂石栖松雪

正月廿五日賦

春岸生蘩蕪春風生蘭茝夢見平生歡美人今何在
丹橘玄以白忽々容髮改憂來誰能整憂來誰与解

貽張玄度林宗道

蕭條風雨秋沈寂窓牖晚故人山中來杯酒意勤懶

微眉念垂濶握手話情悃千載鶴怨悲九時蓬萊尊
市脯良不易枯魚雜乾饌浮雲幾番覆人事匪余付
得時宜之誇失勢焉用憤荆溪丘壑多松水饒芝菌
結茅駕屋才雲樓且安穩夏清冬奧煖何事鍾與春
逐之闌闌游戚之塵俗混張子遠古學林君業務本
達人解其會畧近宜志遠鍾氏昌仇稭司馬亦藉阮
鹿遊姑胥臺島下長州苑蘇姑固狡獪蓬萊歎清淺
七秩吾已老一簣君宜勉後會未可卜作詩陳繾繾
七月廿四日風雨寂寒與玄度集宗道南窓具酒
看宴談遂以永日因賦

次韻別鄭明德

思君阻言咲三歲同一日既見令人怒不見令人憶
揮觴縱譁浪抗論彈今昔世方雜涇渭已乃忘得未
饒涎飲甘美醉眼亂朱碧少逢人眼青每遇俗眼白
不隨世混之自喜心得之講學日光輝蓋性久循率
不意吳市門尚沒有此客茅齋素壁上佳句手自摘
楓林已搖落梅蕊尚未拆吁嗟歲云暮感歎終日夕
殘生能幾面念此氣填臆富貴真可羞功名竟何物
世事蟹登斷危機猩着履翁乎善自守
去之勿重陳且復混玉石

送陳惟允之金陵

雪消江水綠花發冶城春白下烏衣屢輕舟去問津
指日望京國行歌非隱淪好及三釜養歸來以榮親
重改春日雲林齋居

臨池春流駛掃地夕陰滿正襟味道言起還坐溪館
嵐嶺當書榻煩襟一舒散靡之松花黃逐之雲氣暖
石梁青苔合於馬人迹斷故非与世疎冥栖遂忘返

倪雲林先生詩集卷之二

荆溪寒 曠 朝陽編集

七言古詩

送徐君玉

閩江之水清連漪，隔江名園多荔枝。閩中女兒天下白，越波飛葉逐鳧鷖。棹歌清綿洲，渚瀾蕩槩落日今。人悲蠻烟怪雨，忽冥密蔣茅蒲葉相參差。此中勝事不為少，徐郎速遊牽我思。

寄張徐二秀才

東膠山麓綠脩阻，春水鳴渠竹滿園。玄真樓通樂耕釣，徐孺風流存子孫。適我騎犢詣其處，荷尔作黍留清言。夜闌把燭竟歸卧，烟草蝶飛勞夢魂。

十二月七日岳季堅夜坐走筆書贈

僧扉共卧風雨夕，岳生清真何太顛。持家有弟足自慰，無錢沽酒殊可憐。梅蕊衝寒愁欲破，燈花惱人故生妍。孰知旅枕作孤夢，周處庙前行買船。

為曹僉事畫溪山春晚圖因題

荆溪之水清連漪，溪上晴嵐紫翠圍。連舸載書烟渚泊，投壺入林春蕨肥。身遠雲霄作幽夢，手栽花竹暎竹扉。磯頭雪影多鷗鷺，也着狂夫一浣衣。

奉道曹文貞公墓道奉先亭

奉先亭子山之陰，雲氣低回何處尋。烏帶隨道風林靜，鮮剥龜趺雨溜深。故老猶言前日事，鯨生謾感二毛侵。河山流峙英靈在，世事紛々一短吟。

古意一首次韻荅曹德昭

齊王好竿客，鼓瑟操瑟何以干。齊門古人結交多，豪傑况尔封君之子孫。王國陳詩終大雅，楚俗尚鬼悲招魂。相思日暮不可見，鴻飛冥冥目力昏。

歲已酉八月十四日寓甫里之野人居劉君元暉邀余酌酒快雪齋中對月理詠因賦長句

涼月紛々疑積雪，凝暉散彩白於銀。此時獨酌開軒坐，便欲剡溪尋隱淪。尔營茅齋名快雪，我醉行吟踏秋月。河漢無聲風露寒，心境冷然同一絮。

劉君元暉八月十四日邀余玩月快雪齋中命

余詩因賦

卷簾見月形神清，疑是山陰夜雪明。長歌欲覓剡溪戴，悵然停杯速恨生。尔營茅齋名快雪，邀我吹笙弄明月。明星如銀浮騎消，無露成帷桂花發。酒波滄滌天河傾，笙聲塌々秋風咽。古人与我不並世，鶴思鷗情迥愁絕。

苦雨行

孟秋苦雨稻禾死天地晦冥龍怒噴南隣老翁卧不起漏屋濕薪愁殺人自云今年八十剝力農一生茲始病兩逢赤旱三遇水租稅何曾應王命吾今寧免身為魚死當其時良可吁

延陵道

延陵道去國千有餘里民風質直昔季子攸居義典其屬邑過百里而遠麗于南隅民當西晉有周處肆勇閉狼於鄉閭人皆以為患父老揚言其非一朝發憤易行忠孝俱其歿已千載民今仰而祠茲亦余之隣邑也春服始成來游而來娛式逢劉公揚驪駒瀕酌山之泉淪渚蒲相率真拜步趨檐如歎咏而去方舟載塗錫山之陽其水舒々山氣磅礴而敷腴上弁為雲雨彌滿乎九區廡土沃若君子于以田歛公度中流揚々其旗載挹載注原茲古初瞻此平墟實太伯所都夫子所謂至德也已矣吁嗟遡流百世下聞其讓者尚敦乎薄夫

餘不溪詞

開玄館在餘不溪濱距溪無百步上清王真人所立溪流冬夏盈瀕玉光澄映与他水特異故為名

為庚午歲春因市藥過浙江越便道村歸梅里俯斯水而悅之泝流聞咏盥濯平津願瞻壇宇近在東麓遂舍舟造其下真人為出酒脯燕嘯岩洞竟日乃返悠々徂歲忽已十有七寒暑矣余既為農畎畝身休稼穡溥通政繁奔走州里欲為苦遊其可得乎鍊師遐駕物表閒情夷朗周覽宇內將還真館余曰仿像疇昔之所觀極道山之清婉追賦短章以餞斯別若夫超踪瀾濁道選玄邁蓋深志於是矣矚見而咏言能無動悲慨乎

餘不溪水綠生着放舟演漾當青春舟隨鶴影忽行遠洞口桃花飛接人雲松蔽虧烟蘿席儼在溪東之石壁羽人垂衣坐鼓簧饋我晨食芝菌香逆茲更發洞庭渚濯髮咸池臨故鄉

餘不溪水涵綠管微風吹波慶龍鱗看山蕩槩不知遠兩岸桃花飛接人溪迴路轉松風急竹林華房霞氣濕忽逢道士傾而長疑是韓國張子房相期飄拂紫烟裏下攬滄溟浮玉觴

醉題許生敗壁

生有破屋山西村風雨不出卧衡門藁書其間讀且温客未輟書就琴樽窈冥古道安可論

陸隱者禱雪獲應

乾千山頭黃草枯年年雪花大如掌春風草綠牛羊
蕃誰為祈禳漢誰賞南雪由來到地消今年冬暖知
為天民間禱雪誠希有旱禱桑林聞昔語

醉歌行次韻酬李徵君春日過草堂賦贈

昔聞杜陵之茅屋汀花冥冥樹綠舊題新詠蒼年
華種木行椒繞山麓石床丹竈青琅玕春渠流水夜
潺湲當年寶劍淪黃土空餘山月照波間今我不樂
懷往古短世紛紛誰比數花下欣逢李白來山鳥溪
童亦歌舞酒酣長嘯五情熱軒冕何榮築岩說邈然
抗節餓首陽何異佯狂抱貞潔君歌已竟歌我詩賢
愚榮悴百年期少文豈愛壁間登老疾俱未難命駕
仰視翕忽浮雲馳安得乘螭與雲化楊花縈夢滿晴
天迸怒春雷驚醉眠李侯神清色不動手敲茶雪落
輕烟相逢為樂誠草草竟欲推芳君卧烟島城郭秋風
白鶴飛海上食霞不知老

杜陵昔年有茅屋浣花溪邊錦江曲古人不見春風
來桃李無言自山麓石床蘚滋青泥乾決渠流水夜
潺湲可憐寶劍埋黃土空餘山月照波門今我不樂
空陳古短世長年誰比數花下那知李白來山鳥恣

歌童亦舞酒酣大笑五情熱作相形求築岩說夷齊
相逝居首陽道遠采薇飽芳繁勿歌虞夏神農詩賢
愚等是百年期魯連恥秦亦蹈海嘆尔局促商山芝
少文壁間對圖畫莫待老來難命駕仰者翕忽浮雲
馳安得乘螭與之化漠漠楊花縈遠天遙窈晴當驚
醉眠李侯神爽色不動手中茶雪落輕烟逢君此樂
誠草草便欲携君卧烟島海上千年白鶴飛世人胡
為而自老

送潭州曾揔管

翹翹文鷁飛渡淮歲稔五采下天階西嚳昨夜雨初
遍田父謳歌有好懷湘潭山色隨輕輅談笑來為此
州牧隔岸桐林散綺霞三月洞庭春水綠

題曹雲西畫松石

雲西老人子曹子益手迹師常與李衡門畫掩春長
閒搖毫動筆長風起葉蔽文法枝如籬蒼石灰橫
玉理庭前落月滿長松影落吳松半江水

題千里扇上寫山用鄭山人韻

誰見鮮衣作盤礴卷懷雲烟歸掌握春雨冥江水
波竹間日暮衣裳薄零落王孫翰墨餘說王臺殿久
荒蕪要知人好畫亦好愛比當年屋上烏

鄭有道隱居梁鴻山因寄

伯鸞近在東山隱室無孟光唯兩兒草堂寶烟盡蘇事
事蓮社緣依遠法師迎我掃除松下雪因君起寫壁
間詩便知從子逐真隱深谷紫芝堪療飢

題柯敬仲竹

誰能寫竹漫盡善高趙之後文與蘇檢韻蕭人品
係篆籀渾書法俱全光博士生景晚耽詩愛畫同
所趨興來揮洒出新意孰謂高趙先手吾

江南曲

春風顛春雨急清泪泓江
水濕落花碎枝悔何及
絲桐哀鳴亂朱碧嗟胡為客去鄉邑相如家徒四壁
立柳花入水化綠萍江波搖蕩心忪紫

賦耕雲

大茅峯前万頃雲烟耕雨
澆曉細縵也知神物無根
蒂誰種空山誰与耘愛君茅屋當南便開看陰晴玩
其變白鶴眠松夜歸朝逐孤雲如匹練

汎滄浪

滄浪可濯纓春雨看潮生
斷得木蘭漿欲向桃源行
桃花源裏秦人住花發綺霞明
何用文章寄武陵時有漁郎自來去

對梓樹花

去年梓樹花開時美人明璫坐羅帷今年梓樹花如
雪美人死別已七月梓花如雪不忍看沉吟懷思淚
闌干鳴鴉乳燕共悲咽柳綿風急烟漫々

恒德堂

虛林閑居養黃寧隱几消搖遊玉京怡然樂康息天
黠良醫良相仙道并廢施同仁而異名沒身々存故
長生龍虎珮符鳳凰翎出戲玄洲入紫清一念不已
三千齡子能神視廬幽貞觀恒斯見天地情氣專志
一德乃恒

登竹

吾友王翁字元舉喚我濡豪登縑楮喬柯脩竹蒼蘿
石霜葉風梢碧滋雨湖州仙去三百禩坡翁高絕孰
与侶黃華父子亦間出氣粗惜產旌裘所本朝高趙
妙一世蔑視子端少稱許薊丘黃岩筆墨閒瑞鶴神
高競翔翥二公去後無復有谷鳥林鳥誰指教奎章
博士丹丘生未若負僑能濡响道園歌咏譽丹丘坡
暇畫法難為語常形常理要玄解品藻固已英灵聚
少陵歌詩雄百代知登曉書真謾與坡深書畫詩更
妙味永甘香試耽咀嗟余生後愛詩昼所恨遨遊不

漫汝王翁好古已成癖說史談詩身欲羽吳江遇我
涕縱橫飯我羹芹一炊黍晚持此卷索塗抹醜婦為
嚙走隣女此詩此益君勿咲焚并筆硯當樽俎

贈季丙卿

季子蕭條千古心斷碑荒塚在江陰行人過客寧知
此春兩年：江水深家園正近近度郭世遠義風猶
未薄獨識寒：末派孫種杏成林惟賣藥

題王元用秋水軒

秋水如玉涵綠蒲玉壺美酒清若無佳人倚窗調錦
瑟文君勸飲坐當壚昔年種柳遶溪南樹今搖落人
何堪惟有年：秋水至翠烟石黛濛晴嵐開軒清映
臨秋水斜日荷花淡相倚凌波微步襪生塵交甫疑
情珮還委

賦清隱閣

尔營草閣名清隱著在輕鷗遠水邊春池覓句政思
尔拄杖敲門忽繫船共賞奇文哦度信更誇草聖法
張顛到此自忘歸吳逸研雲歸寫古苔篇

題畫

橘窓春夜雨濕：剪烛裁詩登碧山逆水定侵林下
路蕙花委砌石苔斑夢乘艇子清江閣坐聽梳聲暗

相撥未必漁翁似我閑棹歌不待鳴鳩聒

畫竹贈王允剛

子猷借地種脩筠何可一日無此君葉籠書席搖翠
雨陰結香炉屯綠雲聞孫住近吳江渚二仲遨遊如
蔣詡置酒邀余寫竹枝隔竹庖人夜誅語

次韻鶴詩

丹鳳歲幾何憂嚴翳慈天孫雲錦哀憂然長鳴引圓
吭晨飛岷岷暮良常玉笙寥：珮琅：千年仙驥時
歸翔出若飲泉下楚踰忽然不返歲月長尔居鷄羣
独仿惶羽衣猶白未老蒼清都霄臺應已忘啄腥吞
腐塵土御垂軒豈漫思華陽焚籠未離勿張皇

寫墨竹贈顧友善

碩伯末泚隱君子林居江濱古東里深身潔行讀書
史思友天下之善士綠竹倚：蔚材美独立不懼羣
不倚長吟揮毫為君起寫其形模惟肖似諒我直清
可以比

賦翠濤硯

岳翁嘗室翠濤石余我遠珍翠濤硯翠濤法：生穀
紋雲章龍文發奇变米章硯山徒自惜此硯顛應未
曾見我初避乱失神物玉璫滴淚空懷恋珠還合浦

乃有時洗滌摩挲冰玉姿書舟輕迅逐鳧鷖喜出火
宅臨清漪松雲麈香泮毛錐天影江波碧滋一咏
新詩開我眉

康素子雜言一首

道德五千言之而又玄谷神不死曰玄牝用之不
動以綿之太原道士康素子口講此書手畫指猶龍
之後有蒙莊迴薄宇宙有根抵胡蝶相之觀物化濠
魚洋洋樂何似壺丘弟子御風遊之仍有待曷足恃
尻輪神馬鴻濛外恍惚杳冥隨所止化人之居隣太
清十二重樓臨五城千劫謂如一食頃不起于座空
飛行王喬鶴上吹玉笙食棗東海安期生雲車霓鬣
到平地渴飲懸河又為傾大茅登雲二弟迎紫虛永
和傳玉經楊曦以受許長史玉斧清映道初成貞白
子微如日炯千岩万壑春冥之葛玄祭鍊匡廬頂淵
雷一聲眠鶴醒道度章奏陽平治子孫繩之祖武繼
重陽晚出金未齋全真尔名欽世之仰瞻在昔老莊
列迤比肝膽遠胡越要知道不出智勇疾似秋空鷹一
撇素乎之隣乎道德而不孤凡夫皆具仙真軀
一扇仁風病即蘇

登寄王雲浦

吳松江水漾春波江上歸舟發棹歌邀我江亭醉三
日鳳笙鳧吹拂雲和紛紛省署縻官職老我澄懷倦
遊應看君骨相自有仙故作長松挂青壁

趙榮祿馬畜

嘗聞唐開元時益馬曹將軍妙合變化神絃絃少陵
為作歌其詞藹如雲又聞宋元祐之中李龍眠畫法
奄出將軍前蘇黃二子誇神駿險語驚飛蛟整困國
朝天馬來西極振鬣駕駘為辟易玉堂學士寓真龍
筆陣長驅萬人敵學士歌詩清且腴當時作者數揚
虞畫成題咏兩奇絕價比連城明月珠吁嗟天馬天
一隅竇繪于今亡已夫學士多師內廐馬得法豈在
曹李下俗工未解知神妙此日罷驚遍區夏好事不
傳亦苦心誰為出賞伯牙琴悲蘭亭蠶紙隨零雨
轉覺臨寫紛之費毫楮

贈丁醫士

泊舟風雨芙蓉城江上君山雲錦屏我來已是千年
後館主子孫猶識丁君手鍊不死藥芙蓉仙人久
相約孤鰥七十老無家種杏春林看落花

寄徐元度

二月苦雨晝如晦閉戶独眠無所為黃鳥翻飛乍似

竹櫻桃爛熳開滿枝起覓杜康欲自慰坐無徐孺令人悲春帆早晚江西去東湖宅前舟可維

送錢成夫赴淮南

桐栢山高淮水濶道塗悠々心忽々大藩作鎮據兩淮公侯干城孰予越帶雨春潮送櫓聲淮山千里青相迎隱居行義今寒落到已煩君訪董生

奉寄沈理問

紫霞虛皇之上清迨々十二樓五城烟霧自靡烏為使霞綃衣裳翠織成雲旂翠旂集真侶清露如鉛籠玉宇回看人世萬蚩蚩擾々泥塗困雲雨騏驎繫足鳴何飢黃鸝截翮不得飛杜鵑哀猿鷓鴣泣苦竹嶺頭無月輝可憐仙凡一塵隔哀樂紛綸殊不極人間亦有學仙人神巫歟々舞理席精靈翕忽虹影長飭湛桂酒羞楓香雲情捲局難為駐世味臞腥不足嘗仙人舊亦人間住乘雲往列仙曹署願泛帝西話悲辛明良留心乃奇遇我聞天道自循環福善殃淫帝或閔令威亦成歸來願豈遂忘情出兩間

蝶竦一首

歲已亥春仲月之六日自寅迄酉震雷且雪甲辰暮冬日癸卯蝶竦身為震陳飛龍挾雷震落景皎出月

老夫頻年熟灾異夏凄其風冬乃熱晝晝霧粉膜如夜淫雨十旬浹疲農不使憇殘喘志士不得安岩穴國之祇診古亦有十月震電天或隕石或雨血人君脩德突可弭亲生于朝恭王業方今臨々天下墊鋒鏑四起羣豪傑孰能控乱以為治嗜仁而不虐吁嗟斯民命矣夫荼毒殘傷亦何辜

題畫贈呂老貞

江上秋雨晴泊舟烟水汀孤吟誰知予悠々聽姑鳴故人邀我留三宿豆畦蘿逕居幽独松壑陸續酌山瓢灯影縱橫寫風竹水光雲氣共悠々鶴思鷗情樂此留無榻無衣悲骹鑿三沐三舉笑伊優君自息機江上住我且沿洄從此去畫訖新詩草裁眼底流光水東注

賦許君震杏林小隱

江上春雨歇喬柯散繁花開尊藉萼昔共醉仙人家霽景麗華彩微波搖絳霞東風夜來急吹雪滿江沙明朝杏熟虎為守郊原綠遍聞鳴蛙

郭文顯善推人禍福神驗賦贈

昔者馬季主賣卜如有神郭君言禍福奇中季之倫願我年取野而懸尚復紛々嬰世網為卜明年春水

生欲問桃源刺漁榜

姚節婦詩

節婦凌節婦處心良獨苦苟不義以生寧泛義而死
荆南流水石齒寇辱形虧宛清此妾可死不可辱
夫送父生死携女婦子死所安使我感激涕泚
瀾古今出處多射利委身事國為貪好竊王易主意
未殫身沒令名生美官嗚呼史臣直筆古來少孤臣
直節令尤艱

李徵君將還楊州日言沈郎官吳中賦此以寄

二月桃始華淮南客還家塔前疎雨落堂上春衣薄
為言沈約在吳中玉壺青絲酒如空春風相過蕙草
綠芳菲滿堂樂未終

洪湓生適越

鏡湖春水綠注兩岸楊花飛白雲落日繫舟微雨
歌一壺濁酒飯香芹嘉尔盛名年少得筆精墨妙比
羊欣日長高卧無餘事應有人書白練裙

秋鶴軒

開軒北郭名秋鶴影翻向寥廓不見千年丁令
威悲嗟城郭是非紛紛霜葉飄庭樹苔色荒陰翳
烟霧草迳遙迤深樹中時有山僧自來去

送顧生歸四明

江上買舟歸四明竹枝嫋秋風生好營三釜為親
養此去千里飛雲情未稼登場候鷹至霧雨如晦晨
鷄鳴舒王舊日宰邑處苔石縱橫湮姓名

題陳氏齋壁

愛尔茅齋少塵雜時來下帷清書眠風流政使書裙
去嬾惰惟知坦腹便林間病鶴尚俛啄池上山雞徒
自憐何為當年種桃李者移家偶脫區中緣

宿產判官家聽琴

陸公能琴賢且文城闌一遇何惟忻高堂掃榻新雨
霽為鼓蕭湘之水雲竹林蕭瑟風嫋山日曠霧浹
法曲終推琴意愈淡忍即別去隨飛蛟

十一月廿三日率性德原共載過林下而余適
不在遂返棹竟暹明日詩來日次韻重過之

雲林風雪興不孤指顧可求塗豈迂兩忘主賓政自
好一以禮法何其拘我方飄忽念歲月君乃踈豁笑
人奴再為理棹急相就放筆者癡狂遊面

沈滄浪

滄浪可濯纓春雨看潮生斷得木蘭葉欲向桃源行
桃花源裏秦人住花發綺霞明處何用文意寄武

陵時有漁郎自來去

至正十三年三月四日同章鍊師過張先生山

齋壁間見柯敬仲墨竹因懷其人其詩文書畫

鑒賞古跡皆自許為當代所少狂逸有高海岳

之風但目力稍短耳今日那可得耶

柯公鑒書奎章閣吟詩作畫亦不惡圖書寶玉尊鼎

解文彩珊瑚光錯落自許才名今獨步身後遺名將

誰託蕭蕭烟雨一枝寒呼尔同遊如可作

贈陸子華

為愛迎西春水綠三年不來今乃復如來不三宿桑

下子華留我經旬宿東隣唯有沈休文十字詩篇

討論時亦復具雞黍未能厭飲嘉盤殮為君吐出

無味的歎尔網魚共濡煦不作卑兒女情仰天大

笑飄然去

贈顧定之

輕薄絲新少年論詩作賦如湧泉為雲為雨手著

覆背面傾擠當面憐阿翁七十仍踰四与我同心生

並世高卧白雲食絳霞草堂門對靈岩寺

贈丘氏兄弟及周生

岑參兄弟皆好奇二丘那漫論東西款門看竹我初

到置酒投轄烏欲棲掃壁寫圖觀落墨滄苜留坐綬

新題東風甚与周郎便桃李陰盡滿蹊

贈陶得和製墨

糜膠万杵搖玄霜螺製初成龍井在悟得廷珪張過

法古松烟細色蒼桐花烟出潘衡後依日弁龍柳

枝瘦請看陶法妙非常一點濃雲瓊栝透

奉寄沈理問

紫霞虛皇之上清迨十二樓五城烟霧自扉鳥為

使霞綃衣裳翠織成雲旂翠旂集真侶清露如鉛籠

玉宇回看人世萬劫蟬擾泥塗困雲雨騏驎紫芝

鳴何悲黃鶴截翻不得飛杜鵑哀啼鷓鴣泣苦竹嶺

頭無月輝可憐仙凡一塵隔哀樂絲綸殊不極人間

亦有學仙人神巫傲舞瑤席精靈舍忽虹影長觴

港桂酒羞楓香雲情蟻局難為駐世味臆腥不足嘗

仙人曰亦人間住乘雲往列仙曹署願從帝所話悲

辛明良留心乃奇遇我聞天道自循環福善殃淫帝

或関令威亦有跡來顧豈遠忘情出兩間

倪雲林先生詩集卷之三

荆溪 寒 曦 朝陽編集

五言律詩

與張貞居雲林堂宴集分韻得春字

青苔細庭除曠然無俗塵
依微樵迳接曲密農圃隣
鳴禽已變夏疎花尚駐春
坐對盈樽酒欣逆心所親

用唐美道園韻奉贈謝長源

公子太傅裔好於湖上居
卷簾微雨裏岸情晚風餘
古刻秦斯篆玄經許椽書
何當尋好事鼓枻及秋初

題張德常良常草堂

一室良常洞幽深古大茅
風瓢元自癖畦甃不知勞
獨出逢騎虎初來學種桃
還應白雲裏蓮子共遊遨

翠壁隣丹竈青楓背草堂
琴書聊卒歲麋鹿自成行
澗水流盃滑飛花入座香
能無問津者及此繫舟航

贈王生蒙泉

曉鏡拂秋水晴蒼度白雲
青春去浩、艷蕊落紛、
道在形神豫心由瞭眊
分君其慎語默世事豈余聞

俞子中見過

積雨衆芳歇新晴生綠陰
獨眠方不愜多子凌相尋
鳴鹿在春野啼鶯聞遠林
余懷良已整咏瀟灑落琴

賦 平野

見話幽人屋荒城落日邊
川途湯浩、烟樹靄芊、
野稻初收碧江魚上釣
鮮何當刺沽酒直到爾門前

對雨次張貞居韻

戶庭來游絕園林飛雨滋
芳氣初龍茗蕙圖文滌散池
裁書恐沾濕對溜謾懷思
清溪已可汎方舟幸及茲

奉答明卿先生

林霏去鶴戾孤烟原上村
楔澗綠雲滿換晴晴景暄
處和斯遺隘抱冲自寡言
君亦固窮節衆溺何當援

題張氏蓀竹軒

高軒自虛曠幽竹亦叢生
吾石寒依玉風泉夜奏笙
治冠輕可着醞酒綠因名
好折青鸞尾仙壇掃月明

遊善權洞

來窺善權洞一上李公樓
水映石前引雲旌松際浮
然灯長不夜垂釣只虛舟
欲讀吳朝刻真成冒雪遊

贈簡上人

初公經閣裏漫遇簡禪師
好飲茅君酒狂吟杜牧詩
錢唐江上去楊柳花飛時
帆影青山隔依、夢見之

友人期過寺中不至

山寺擁爐夜風聲如怒濤
獨吟何水部還思王騎曹

曠達余所羨阻別心增勞來茲慰幽癖輕舟幸即操

義興吳國良用桐烟製墨黑而有光膠法又得

其傳將遊吳中以求售輒賦詩以速其行云

生住荆溪上桐花妝夕烟墨成羣王秘囊售百金傳

敦謂奚珪勝徒稱潘谷仙老松端媿汝桐法更清妍

贈墨生

岩谷春風起桐花落澗紅隔水輕烟發收煤石竈中

豹囊秘玄王鷲池生白虹湯生法潘谷千載事同風

題方厓墨蘭

蕭散重居寺春風蕙草生幽林蒼藓地綠葉紫瑤莖

早悟聞思入終由幻化成虛空播不盡明月照敷榮

送徐元度還江西

悠々西江水綿々江上山借問離羣鶴孤飛幾時還

白雪亦忌絮青雲安可攀時々王子晋吹笙向人間

秋日贈張茂實

久客東海上秋風吹練裙放言愛莊史嘆舜如陸雲

采藥清晨出哦詩靜夜聞滄浪可濯足吾与尔為群

悼朱高士

秋日高人逝微霜蕙草摧鷺群空碧沼鶴影自層臺

應御冷風出疑隨密霧來松杉暮蕭瑟撫事有餘哀

雲槎軒

已比溝中斷空思海上浮隨雲秋汎々貫月夜悠々

無路通河漢憑誰問女牛漂搖非有待吾道付滄洲

寄王叔明

能詩何水部愛石米南宮允矣英才最居然外祖風

釣絲烟霧外船影昼窗中他日千金積陶朱術偶同

悼頂山清上人

幽曠山中樂飄飄物外踪梵餘閑憩石空起独哦松

花落春衣靜雲垂澗戶重依々種蓮慶林暝只聞鐘

賦德機微君荆南精舍圖

結廬溪水南勝事是幽探夏果是山雨春衣染夕嵐

石欹招鶴燈門俯射蛟潭日々榮歸夢蕭條雪滿簷

追次唐綦毋潛宿龍興寺詩韻寄方厓

無家何處歸南渚有禪扉相葦葦閒秋水池蓮墜羽衣

硯池滋點々竹露淨微々秋燕情如客挽々君去絮飛

又贈道益

昔者劉高士匡山曾結廬插籬培杞菊充棟著圖書

鶴影秋雲外蛩吟夜雨餘茂深繩祖武息景在林居

又贈道益并似陸明本

作賦雲間陸能詩藪下劉悲秋多遠思披椀作清遊

竹冷侵水屨窓虛見女牛灯前一盃酒漂泊更維舟
送宗天章歸廬山

屏風茅九疊歸伴鶴巢松五老峯前路東林寺裏鐘
宗雷憂入社陶謝莽遺踪我亦名山隱他年何處逢
贈公遠

霜葉落欲盡晚山看更青躡舟沙際屐坐久水邊亭
後仰已如夢漂搖同泛萍稻梁非所恋黃鵠思冥

寄道士王宗晉
王君舊隱地聞更結茅茨鶴壑春栽芋鷺群雪泛池
時歌綠水曲不負碧山期夜雨生春草令人起夢思

寄郊九成
州府今為椽風埃多厚顏香芹渾滿湖去鶴未巢山
思逐春雲亂心隨野水閒章君應話我樽散碧岩間

邀張彥高
清風入庭戶野客意悠哉一與佳人別階前生綠苔
鬱鬱松陰晚悄悄竹扉開我有盈樽酒懸榻待君來

用韻重寄
山齋秋聽雨高卧吳悠哉鹿飲荒池水鋤耕石迳苔
宝瑟芳塵滿臨尊詎忍開長吟我有待躡屣子能來

寄張德常

卜宅近溪西雲烟只尺迷書眠同野鶴晨類候林雞
舊種松三迳春栽菊滿畦來禽与青李囊致不封題

三月十日義興王子明送竹筒賦詩
竹下拾烟茵筠籃初送將亭似三秀楚異衆芳
猶帶雨露氣更懷泉石卿此日山中容笋蕨得新嘗

高進道水竹居
我愛高隱士移家水竹邊白雲行鏡裏翠雨落階前
独坐敷書席相過赴釣船何當重来此為醉酒如川

張天民溪亭
畫畫溪亭月當窓影更妍朱絃彈綠水細柳舞春烟
杜牧何年宅山僧栖夜禪張公一杯酒独醉羲皇前

送王升明
連榻卧聽雨劇談清更真少年英蕙氣求子不多人
仕祿豈云貴貝珠非所珍當希陋巷者樂道不知貧

積雨
積雨生朝菌微風墮碧蓮鴛鴦池汲書水鶴帳理琴絃
屐躡苔衣破窓承樹影圓空林無与語長夏曲肱眠

賦雪蓬
手把玉塵尾身披素綺裘梨花縈夜月柳絮入虛舟
不作飢鳥咏其如載酒游目懷剡溪吳烟水暮悠悠

孤雲用王叔明韻

烟浦寒汀雨吳山楚水春絕無凝滯跡本是不羈人
鶴鶴同栖息蛟龍任屈伸自嗟猶有累斯世有吾身

二月十六日賦

白鶴烟霧遠滄洲雲海寬藤蕪細雨濕飛李春風寒
沉憂鬱不解離緒杳無端還憶郊園集琴醞共清歡

寫山陰丘壑圖寄趙士瞻

吾愛趙徵士清才能逸群昔營山陰宅今在吳松濱
月牖自理詠春羹偏芹遠懷松上鶴無寄嶺頭雲

賦雪舟

一舸星河渚空明玉氣浮懷仙李太白訪達王子猷
月明如可掇矚先疑欲流銀屏雲母悼夢為笙鶴在

題李遵道山居圖

披圖慘不樂日暮眇余思坐石看雲霞空齋對榻時
世途悲在若墨氣尚淋漓惆悵騎鯨客于今豈育之

寫秋林遠岫圖贈約齋同題

五言常刺史此地數曾遊無復綠陰靜空悲紅樹秋
市声晨浩々雲影暮悠々徵士冲襟勝邀余共茗甌

次韻酬答謝參軍王長史

岩堯大華隱婉恋東山情學本猶龍老詩工阮步兵

心期流水遠世事浮雲輕公府饒才彥琅々玉雪明
示病維摩室端居無俗情清齋久絕歎白首不論兵
露壓蛩吟切風林鶴骨輕何時王內史相見眼增明

贈友生

故人于靜遠訪我到南湖作黍蔬親澆開筵酒屢沽
臨流同嘯咏剪燭尚歌呼長夜清無寐還為風竹圖

題畫

甫里林居靜江湖遠浸山漁舟衝雨出巢鶴帶雲還
漉酒松肪滑敷茵楮雪開春風一來過似泊武陵灣

荒村

踈々荒村客悠々遠道情竹梧秋雨碧荷葉晚波明
穴鼠能人拱池鷺類鶴鳴蕭條阮遙集典屐了餘生

七月十四日對雨一首

兩蒼鷺瀉瀑江漲忽通渠古砌羅秋草荒畦綴晚蔬
稍開雲表月還掩篋中書欲話幽貞意忘言已久如

寄虞子賢

天濶海漫漫崑山望眼寬桃源迷晋世松樹受秦官
兩薛鹿迹遍霜梧鷺影寒封題數行字聊問竹平安

贈沈文萃

波光浮草閣苔色上春衣楊柳鶯啼遠櫻桃鳥啄稀

榮名非所慕，登覽竟忘歸。泚水宜脩禊，重來坐釣磯。
為文奉 盈山 岳 題

華亭西畔路，來訪田時踪。月浸半江水，蓮開九蕊峯。
酒盃時可把，林叟或相逢。與盡冷然去，雲濤起怪松。

呈德常

已酉八月廿三日雨至廿六日乃開霽賦五言

徐伯樞歸耘軒

積雨琴絲緩，沁塔鮮碧滋。泥途方汨沒，茅屋且棲遲。
酒向隣家賞，盃盃漫野老。持便應送此，去海上候安期。

用彞齋韻贈張韓二君

張仲情何厚，幕廉誼亦深。賦詩論宿好，聚首契初心。
阮籍唯須酒，陶潛不解琴。與君忘尔汝，蕭散鶴鳴陰。

賦謝王彞齋

不面終經宿，題書細作行。心親情恣，事往意茫。
酒榼浮松藥，羊腔截玉肪。歌詩批佳貺，期此共徜徉。

次韻酬彞齋見詒二首

秋氣入幽居，堦前樹影疎。筋骸渾懶惰，服食轉清虛。
薄晚魚潛渚，新晴溜繞除。茯苓期共煮，悵望苦吟餘。

荆溪丘壑遠，暇日得躋攀。野客時相過，高人意自閒。
敲門看脩竹，卜宅近青山。勝事今寧有，幽吟一解顏。

盈竹寄王彞齋

荆南山色裏，翠竹密綠溪。舟春烟薄，冥暮雨迷。
夢長胡蝶化，行遠鷓鴣啼。日日栽桃李，清陰自滿蹊。

聽雨

樓上看春雨，玉筍悲遠天。辛夷紅點筆，芳草綠搖烟。
舟侵書幌，冥濕釣船。新愁嫌點滴，元不到鷗邊。

書寄王雲浦

蕭散賢公子，衡門似水清。花間青鳥過，砌下綠苔生。
山色排蒼入，江波照眼明。開窗想幽境，欲為寫閒情。

兩九

兩九唯生睡，村醪不解愁。泥塗深溺象，身世渺浮漚。
迳草紛披濕，林扉慘淡秋。何人富春渚，五月披羊裘。

題丘氏壁

我愛丘君宅，蕭然隱者風。石邊蒙細篠，井上植高桐。
墨沼鶯羣白，雲窓藥蕊紅。咏歌當上已，修楔樂融融。

三芳園

丹桂月光落，荷蘭琴調清。獨吟秋鶴瘦，相對夜江橫。
芳烈誰先後，才華孰重輕。道心安有染，無物惱閒情。

登江天晚色贈志學

不見呂君久題詩懷不忘風聲渾落葉山影半斜陽
獨鶴來遲莫孤帆出渺茫為蓄秋色去留寄讀書堂

桂花

桂花留晚色簾影淡秋光靡風還落菲夜未央
玉繩低缺月金鴨罷焚香忽起故園想冷然歸夢長

谷雲浦

尋真狎隱淪息景絕風塵屈子能安義陶公每任真
山中宜餌米江上憶羹蓴亦欲泛桡邀荈車為尔巾

題墨竹贈李文遠

義吳李文遠墨法似潘衡麋角膠偏勝桐花烟更清
紫雲腴泛玄壁理庚安得龍香劑霜杖寫月明

送僧

聞說四明道山川似若耶去依阿育塔还宿梵王家
望井封殘雪江船聚晚沙光強健否持底作生涯

垂虹亭

虛閣春城外澄湖暮雨邊飛雲忽入戶去鳥欲窮天
林屋青西暝吳松碧左連登臨感時物快吸酒如川

三月四日解逅德方即官九成掾史於荆溪之

上相送及旬而別因九成徵余畫并賦詩為贈

剡掾學院掾宛然西晉風百年聊漢尔三語將無同
載酒來溪上看山入剡中孤帆逐雲影烟雨滿春空

又題登贈九成

吳山春雨淨江渚莫潮平解纜欣初霽開帆已到城
鄰君有高趣樽酒慰閑情醉吐真丘壑毫端一笑成

暮春期潘徵君不至

風林鶯宿雨澗戶落殘花芳月忽已晚幽期良恐賒
黃鸝念求交鸚鵡呼煮茶猶候犢車至心親寧憚遲

寄徐仲清

岩谷採靈藥蕭條桺道情白雲蒼下宿海鶴階前鳴
燕俎登春筍晨飧脯竹萌詩憑五瀉水好過蘭陵城

送李徵君遊荆溪回寄王司丞

何處尋狂客故人王子猷花落庭前樹風吹溪上舟
紫苧生春兩綠蕙滿芳洲心隨酒船發悵望不能休

題畫贈張玄度

蕭條江渚上舟楫晚相過卷幔吟青嶂臨流寫白鷺
壯心千里馬歸夢五湖波園石荒筠翳風前恍浩歌

玄度文學好學工詞翰藹然如虹之氣真江南澤

中千里駒也十二月十四日侍乃翁訪僕江渚相

與話舊知彌深動故園之感目想像喬木佳石翳

沒於荒筠草蔓中遂寓此意并賦詩以贈焉

為唐景王登丘壑畫并賦

舟經留玉斧真籙佩青童既迹氛埃外怡情岩穴中
吹笙縱嶺月理詠舞雩風欲登玄洲趣揮毫清異同

稽山草堂為韓致用賦

稽山讀書處應近賀公湖磗月懸蘿鏡汀花落酒壺
賣藥入城市扁舟在菰蒲逃名向深僻君豈伯休徒

五雲書屋

幽深隱者宅迢遞少微山賀公鏡湖曲李白棹歌還
兩几研香碧風軒江竹斑韓象近何似晏景白雲間

畫竹贈王光大

荆溪王隱士相見每浸容借地仍栽竹巢雲独傍松
青苔盤石淨嘉樹綠蔭重約我同栖道蒿高茅幾峰

題漁樵文卷

釣水浚樵山逃名宇宙間一篙春水淨半畝落花閑
鷗鳥時親狎松雲共往還厭聞塵世事緬邈不相關

題畫贈王仲和

曾住南湖宅于今已十年禁筠還自翳喬木故依然
雨雜鳴渠溜雲連煮木烟何時重相過瀾醉得佳眠

南湖陸玄素高士幽居今王君仲和居之水木清

華戶庭幽邃余嘗寓其家四年儵然忘世慮也仲
和以此幀索畫竹石畫已并詩其上以寫懷之
懷玄素仲和外舅也故尤感余故人之思乙巳初
月十七日

卷光大

空谷枉嘉藻幽吟當廟秋詩鏗清廟瑟書寫屈盧子
學業余多愧才華子独優飛鳶天外羽斯世逸難儔

登竹寄張天民

良常南洞口聞有掃塵齋竹影春當戶泉声夜逸塔
自矜霜兔健安有魯魚乖截得青鳶尾因風寄好懷

題元朴上人壁

蕭條江上寺迢遞白雲橫坐待高僧久時聞落葉声
鷗夷懷往事張翰有餘情独掉扁舟去門前潮未生

挽張德常

孝孚由天性清貞有祖風宦遊江郭遠歸隱曲林通
嗜古真成癖歌詩信已工有才悲賈傳在苒百年中

寄章心遠

江海章高士相違已半年青山雲冉冉白鶴影翩翩
坐看神鰲行吟秋水邊何當拾瑶草蓬子華山巔

寄張景昭

烟渚落日後風林清嘯餘輕舟下天際高人遺素書
笋脯炊菰米松醪薦蒲葑子有林冠趣江海一胥踈

寄東白上人

楓林散霞綺湖水淡秋烟忽憶北麻漾初春棹酒船
羽容借繪具高僧醉棲禪何時來甫里痛飲一前

畫吳松山色贈潘以仁

吳松春水綠搖蕩半江雲嵐翠窻前落松声渚際聞
潘郎狂嗜古容我醉書視鼓於他年去相從遠俗氛

贈友

父子相師友周南義理門阿翁如玉潔賢嗣似春温
舍後自生笋堂陰亦樹萱西山近在望靜默以忘言

贈陸隱君

甫里高人後風流有裔孫愛山仍愛畫留饌凌留樽
每看雲眠石因尋竹款門今朝嵐翠濕應是雨翻盆

倪雲林先生詩集卷之四

荆溪 蹇 曦 朝陽編集

七言律詩

北里

舍北舍南來往少自無人覓野夫家鳩鳴桑上還催
種人語烟中始焙茶池水雲竹龍芽草氣井床露淨碧
桐花練衣挂石生幽夢睡起行吟到日斜

山園

春水鳧鷖野外堂山園細路橘花香柘身世書盈
篋漢風烟酒一觴豈謂任真無礼法也須從俗着
窳裳不營產業人應咲竹本桃栽已就行

林下

林深何處尋行至披草時過野老家練澄波晴偃
月蛻小鳩曲歲蛇孤帆賣藥來句曲独木為橋似
若耶高卧閉門成懶癖蒼苔泛滿石樽窪

林下遣興

眼見藤梢已過牆手拈書卷海堆床閑臨水檻親魚
鳥欲出柴門畏虎狼冠製不嫌龜殼小衣裾新剪鶴
翎長迨來任拙唯疎懶一月秋陰不下堂

春日

閉門積雨生幽草歎息櫻桃爛熳開春淺不知寒食
近水深唯有白鷗來即看垂柳侵磯石已有飛花拂
酒盃今日新晴見山色還須拄杖踏青苔

二月十日玄文館聽雨

卧聽夜雨鳴高屋忽憶波塘春水生何意遠林飢獨
鶴若為幽谷滯流鶯成業杓把還堪采滿樹櫻桃空
悵情二月江頭風浪急無機鷗鳥亦頻驚

對雨寄張伯雨

把酒独臨溪上雨林深地僻少相過忽與天際真人
想欲乞山陰道士鶯坐久研苔侵袖碧書成簷溜沒
塔多悠然靜寄東軒下日莫徘徊聊短歌

雪後過陳子貞隱居

陶公卜宅南村裏快雪初晴思一遊樹籜微茫來独
鶴檣搖款側散輕鷗墨池繞溜春水滿塵榻掃書文
照收相見惘然如有失掉頭吟咏出林丘

吳門賦謝陸繼之黃柑紫蟹之貺

閩閩城外皆春水斜日維舟方醉眠携笏手故人驚夢
裏送書飛鴈落尊前黃柑開裹煩相贈紫蟹傾筐也
可憐憶尔独居湖上曉窓奇石翠生烟

送甘允運

來尋墨沼雲林下共愛女蘿懸石床喚人鸚鵡語猶
澁當戶枇杷子半黃奉橘定應題百顆龍鶯即欲寫
千行蘭亭書法人間少好去山陰覓野航

送徐元度

荷鍾空林春雨餘艤舟江岸燕飛初去尋天上仙人
珮肯顧山中隱者居霜月四更投劍舞日園二頃帶
經鋤蘭茶柳密南檐下佇子雲間枉尺書

寄鄭徵士

谷口子真今最賢久別鬱鬱羨相牽好營林田多釀
酒欲買茅屋尚無錢兄病每書賒藥券客來唯候煮
茶烟閩閩城東有艇子憶尔青灯相對眠

荆溪即事

銅官之山溪水南周處庙前多夕嵐看卷雲帆歌白
紵勸嘗春酒破黃柑長林独往誰能覓幽事相關性
兩耽苦欲避喧那畏虎倘從地主結松龕龍

奉懷張外史

陰容憐綠苔生碧雲亭多遠情松杉鶴去轉蕭
瑟洲渚花落自縱橫從君下榻住十日看我鼓枻出
屠城洞口菌巢無恙否定應閉閣著書成

次韻陸天錫寄張外史

谷口路微山木合濕衣空翠不曾晴飢猿扳檻為人
立寒犬踰林如豹声小閣秋清聽雨卧長空日出採
芝行道心得失已無夢沐髮朝真候五更

送張外史還山

道士朝乘白鶴還樓臺金碧鎖空山半天花雨飛幢
節萬壑松風雜珮環丹井夜寒光刻石壇春靜蘚
斑飄然便擬送君隱分我玄洲一半間

次韻陳子貞見示

漠漠寒烟墟落際猶餘凍雪鎖荒榛行隨雲谷采樵
者飯供松龕學道人未必杜陵渾懶慢可恰逸少轉
清真酒船好纜溪頭石花鳥相娛行及春

寄郊九成

芙蓉洲渚暎江波落日維舟發棹歌坐久不知初月
墮居謀何處白雲多批糠富貴知吾否薄領風埃奈
子何几格香材倘持寄熏炉茶鼎樂漁蓑

頽仲贊來聞徐生病差

室裏維摩病已瘳竹炉藥鼎雨声秋一畦杞菊為供
具滿壁江山入卧遊舟外鷗波情浩蕩窓間蝶夢息
綢繆虎頭癡絕逆談譎煮茗聊為半日留

雨後

雨後循除泉乱流落花時節綠陰稠石尊貯酒供杯
飲素壁圖書入卧遊翳日長林藏伏虎際天春水若
輕鷗幽居四月饒櫻笋醉裏題詩一散愁

以龍尾硯寄錢徵士

龍尾誰磋古硯池庚子玄壁隱風漪知君筆力能扛
鼎愛我雲腴欲產芝投贈寧論百金直咏懷更賦五
言詩唯應洗濯寒泉潔靜試松煤独下帷

鶴溪為張天民賦

溪西松影高千尺白鶴時時上頭風雨不驚鷗鷺
宿雲霄應与鳳鷲遊明窓筆格珊瑚樹新釀松花
瑪瑙甌露下鳴臯声聞遠幽人空谷独相求

聽秋軒

聽秋軒裏聽秋雨定起山僧坐翠微隱隱烟濤搖夜
席濛濛花雨着人衣驟如崖瀑衝雲落婉似相靈鼓
瑟希六用根塵今已淨松篁陰下共香霏

次韻重居寺壁間柯博士舊題

初月五日春意動遠水蕩漾情如何鏡中羞見白髮
短柳上愁看青眼多起拂綠琴歌楚調為唱明月挂
松蘿耳棹溪南一盃酒它年浪迹倘重過

初書記以詩來別且諄開論深見方外之情

因支筆次韻奉謝併期面別

逆知四大皆假合順境途途非樂憂夢中妄想驚得
鹿海上忘機思狎鷗舉世何人到彼阜独君知我似
虛舟詩來說法能開論頑礦無情也點頭

鄭明德新居

傲居吳市仍栽竹挂榻高齋独待余風引香烟金鷄
尾而添書水玉蟾餘仲舉未應治一室更生何用博
群書繞床阿堵那嫌俗每罄金錢一飯餘

悼頂山清上人

孟渡前溪見水源偶來佩芷服蘭蓀香臺猶帶山窓
影經卷長依松樹根雲起晴峯還有觸雪消春野不
留痕翛然我已忘言說翠竹黃花自滿園

晨起一首寄丹丘

竹窓晨起聞幽鳥深巷絕無車馬喧多病馬卿非不
遇歸田陶令自忘言墻陰著預苗方茁雨裏櫻桃花
正繁二月陰寒少晴日坐看春水上柴門

寄張貞居

不但入城踪迹少南隣野老見猶稀狂歌鳴鳳聊自
慰舊學屠龍良已非蒼蘚潭封麋鹿逐白雲新補薛
蘿衣羊君筆札誰能寄欲讀靈文一扣扉

送貞居還山

日暮書傳青鳥使華林瑤草待君歸挾舟蛇雙龍
出背雨寒一鶴飛秋水珠成蒼玉珮朝霞補作紫
烟衣山中長史來相覓應借窓間白羽揮

再用韻寄貞居及柳太常鄭有道

華陽外史泛幽討谷口高人亦賦歸遙憶愚溪對山
坐何時菌閣看鴻飛荒旭日晞玄髮滴流泉浣
素衣癖冥松窓懸榻屢塵生塵尾不堪揮

次韻鄭九成見寄

郭外青山田結廬微茫野迳望中無幾生竟抱烟霞
癖好事猶傳海岳圖夜壁松風懸雅樂秋池菊水酌
商飴倘泛世外求玄賞好趁輕升看浴鳧

題米高宮石刻遺像

米公遺像刻堅珉猶在荒烟野水濱絕歎峯岩迷慘
淡細看風骨尚嶙峋山中仙塚芝應長海內清詩語
宦新地僻無人打碑賣每懷英英一傷神

賦居延王孫德新小隱軒

志隱寧須分小大不論屢市与山林橘中之樂固不
淺壺裏有春巖更深奕戲自能忘世事酒尊聊用散
冲襟莘耕岩築苟無遇豈有朝堂論道心

送浙憲掾劉孝文并簡張貞居

落日采蘋溪水綠
目追帆影先飛鴻
寄書為覓仙人隱
種杏今居丹井東
遠道悠悠宵入夢
晴波洵畫多風鳴珂使
者清無事尔得漫游羣
掾中

寄吳孟思并懷貞居

江海風流吳孟思
十年不見髮成絲
旧同野老松花供
今寄仙君石室碑
秋日滿船初晒藥
晴雲浮水独臨池
南山樹裏孤栖鶴
尔去何當一問之

寄王林明

幾夢山陰王右軍
筆精墨妙能文每
持竹影撫秋月更愛
山居寫白雲
秘笈封題饒古迹
雅懷蕭散定人羣
今年七夕聞多事
曝書繕書到夕曛

戲題嚴錄事所集書畫數

兩館書逢嚴錄事
手持書卷索題詩
金題玉鑲齊梁迹
墓刻厓鏤秦漢碑
把玩始驚繁卷軸
品量還愧拙言詞
古人冷淡今誰尚
謾算殘編慰所思

薩仲明為丞相府掾時
僦居京師名其軒曰半
野後買宅迤陵亦揭是
名於軒因兩宿其下遂

為賦此

何意開軒名半野
身存魏闕思江湖
斜侵瓜圃通花

樂稍停徽垣近竹梧
千里秋風催斫鱗
九霄晨露灑飛鳧
如今別買荒城宅
自掃風林候野夫

次韻和德原率性賦十二月四日雪

海宇希微隱一毫
行舟水膠夕停篙
愁着窳雙峯並細
數林与乱石高豈
有風塵勞白羽謾
思文采照宮袍
雪融二月溪流合
洞口誰尋千樹桃

贈葛子熙

打碑直入長安道
養母還歸白馬峯
聞道陰厓留積雪
持尋隱地看長松
晴窓弄翰山僧對
寒湖行推野鹿逢
為問山中危太朴
到州應与子相逢

題荆南精舍圖

誰畫荆南精舍圖
烟霞嵐翠墨模糊
林間野鹿時相逐
洞口山猿不受呼
尚有流泉悲夜雨
已迷幽徑入寒蕪
痴人莫彈西飛鶴
雲外仙君恐姓蘇

賦德機荆南精舍圖

溪上田園定有無
愁將歸思畫成圖
春林并花開落
風曠冷兒蕭呼
尚有流泉悲夜雨
已荒幽徑入寒蕪
何當一舉同黃鶴
未覺山川路鬱紆

贈別益以道書記

一咲相逢豈有期
因懷西崦話移時
李公祠畔空餘

月陸子泉頭曰有詩旅思懷々非中酒人情落々似
殘葉雲濤眼底三生夢鷓影秋汀又語離

辛文六月三日寓實性源禪房為寫竹梢因賦
開門便肯留人宿不夜長然禮佛灯君已風流如惠
速我聊吟嘯吞孫登來依長夏安居者莫厭無家有
髮僧清夜戒詩江月白琅玕節下影鬚鬢

此身已悟幻泡影淨性元如日月灯衣裏繫珠非不
得波間有筏要人登狂馳尚覓安心法玄解寧為縛
律僧曲几蒲團無病惱松蘿垂戶綠鬚鬢
殘生已薄崦嵫景猶護餘光似晚灯縣圍雨雲元不

隔華嚴樓閣也須登夢歸金箇山前路飯仰白雲念
裏僧独鶴步庭開碩影西風吹鬢雪鬚鬢

送寶南珠往住荆溪碧雲寺兼柬方厓

碧雲林壑杳重々此去風流似簡公春藥確開滿漱
下空山蛩響月明中結茅擬候芝三秀眠鹿應遺地
一弓間道重居閑竹牖待予艇子過溪東

八月三日与劉道益連床夜話風雨凄然五日

開霽道益賦詩見貽次韻一首

扁舟小泊菰蒲雨玄論都消身意塵空甯室中無侍
者蕭條雲外不羈人酒盃畏病不淺舉灯火新涼差

可親鳩々秋風振庭樹綠波芳草似初春
俊仲明以詩見示次韻

南湖流水綠映々野鶴同栖秋夜長短世應須幾網
展懷人可但九迴腸驚風零乱芭蕉影冷雨凄迷
菡萏香高尚劉君此栖道毅之百世有餘光

別彦貞

空齋風雨話連宵歸夢不知山水遙鶴遠城荒嗟寂
寂香霏鬢影共蕭々市中乳虎人三語灯下寒菹酒
一瓢無念百年聊樂尔海鷗飛去芝難招

留別王叔明

秋蛩唧々雨蕭々楮穎陶泓伴沈寥此去不能期後
會清言聊以永今朝濕雲窓裏初温酒白鳥汀前又
晚潮故国何人賦招隱桂花零落更停桡

別張玄度

歸去荆溪丘壑多松陵浦口渡來過清風明月許玄
度泛宅浮家張志和夜雨灯檠歌陸續秋林樹子落
杪樵相逢相別嗟遲莫人事多乖柰若何

挽鶴溪張先生

子述孫承久熾昌存飢多施活人方勺金壇下良常
洞白鶴溪遙世壽堂孔壁遺書觀古學祇園法藏滋

神光乘雲咲謝人間世九秩逍遙返帝鄉

送張以中由宜興歸金壇

亂後歸來事三非子長遊歷壯心違陶公館裏懷仙友杜牧堤邊戀落暉松下白雲初起石草間夕露已沾衣君今尚有歸耕地願我將泛何處歸

西野對雨清坐有懷明本彥準并呈道益

怪雨顛風烈芰荷鵬飛歷亂水驚波便須掃地焚香坐豈有高人載酒過笠澤至今能養鳴山陰何處覓籠鶯重陰忽霽猶斜日惆悵思君柰若何

過蘭陵留宿苻達善家

蔣翊初開竹下筵野夫聊乘溪上舟瓊簾數朶夏水薄細簾受風春浪浮圍棊終日對急雨解帶六月如高秋可伶相見便傾倒就宿為君少淹留

廿九送來過溪上將还汝寧賦此奉送

野夫住近青山郭左右雲林無市声忽有故人騎馬至即呼稚子出門迎虛窓圖史少開笈細雨滄浪同濯纓乍別林居無所賴裁詩相憶字款傾

送盛道士遊浙東

浙東山水隔層雲雪霽千峯曉不分蕭瑟松林疑鶴語縱橫苔石見羊群昔聞陽洞啓神秘中有仙人留

五文羨尔尋真不辭遠好隨烟霧把飛裾

送倪中愷入都

酌酒送君遊上京風帆回首闔閭城烟消南國梅花發水泮長河春水生太史奏雲龍五色伶倫吹律鳳雙鳴仰觀禮樂變龍盛好播聲詩頌治平

春日送別余一秀才

翼高帆開遠天綠波芳草隨烟綿春林風雨集憂思茅屋琴書移書賦文采由來庾信少草聖近誇張旭顛百年聚散如落葉行客居人俱可憐

賦王真人胎仙樓

紫閣岩窈秘玉文攝衣迎日礼神君河汾鳳吹未泯城郭鶴歸今海聞貪者飛裙舞絳絲遙怜風馭散綰紵世人政苦塵眯目指點虛無疑白雲

奉和虞學士寄張外史

華陽上館誰曾到知有高人避世深當戶春雲團紫蓋洗空花雨散青林丹臺篆迹龍蛇動經閣松声鶯鷓吟念子離居消息遠幾將書札寄遙岑

奉和苦雨

冥冥秋雨瀟瀟田禾日奔雷吼怒鬣十里荒涼黃犢草五湖浩蕩白鷗波直應天地移龍穴未覺階除失

蟻窠君子憂民重吳感吁嗟天意欲如何

奉和虞學士賦上清劉真人畫像

君向積金峯頂住長年高卧聽松風蓬萊雲近瞻天
關劍珮春明下漢宮歸去長誼紫芝曲翩然遠挹黃
眉翁標名合在諸天上何事置身岩壑中

再和前韻

焚香坐石孤峯月飛珮朝天万竅風邈尔空歌傳碧
落飄然流響振金宮神君教服玄霜劑聖主能迴綠
髮翁共道乘鳶去無迹祥雲繚繞畫壺中

寄曹德昭

苦憶建溪人姓曹五湖春水雲山高丹厓青林紫步
障蜀錦越羅金錯刀已知雅頌播旆瑟無後謳吟悲
楚騷伏生衰朽見鵬化願同斥鷃巢蓬蒿

再寄

荆溪山水最清遠結屋溪邊住幾年湖底松栢何處
鶴山中茶焙隔林烟清談况有王戎勝閉户仍聞孫
敬賢詩卷何當時寄我長篇短句使人傳

春日試筆

喜看新酒似鶯黃已有春風拂草堂二月江南初破
柳扁舟晚下独鳴柳苔生不碍山人履花發應連野

老墙美酒已拚千日醉莫悔時事攬愁腸

送簡禪師易道

蓮花峰下簡禪師半醉狂吟索賦詩榻上諸僧禪定
後水遠高閣莫鍾時不堪兩柳紫春夢且看書灯照
夜棋昔羨雲栖松上鶴吾生漂泊竟何之

題曹伯高為曹尚書之子卜居詩卷

清貧我早識尚書身沒韓公為結廬可但家声今不
替也趨禁直未全疎窓臨墨沼楊雄宅郭暎雲林謝
眺居共愛諸郎遊息地風雲閑咏莫春初

雲泉小隱為張德機賦

朝夕輕鷗傍釣磯好山自不与人違琴尊花圃春酣
後童寇風零晚咏歸清卧半間僧入定流侵三迳客
來稀却怜服食清虛甚黃獨松蒼煮療飢

送盧錄判之建寧

清溪九曲遊人少想見官河一水分理楫初辭季子
邑到州好訪考亭文簿書開暇對春兩齋舍蕭條細
白雲洗我明年塵土足扁舟亦覓武夷君

寄張天民

清溪演漾綠生蘋溪上軒楹發異新只欠竹陰垂社
牖儘多山色近南津湖魚入饌長留客沙鳥綠塔不

畏人規我評踪此淹泊片雲回首一傷神

贈張景昭

張卿自道古遺民世外尋真狎隱淪
虛閣松崖蒼筤磬小山桂樹絕風塵
晨朝絳闕存三景夜掃青壇礼七真
木俗頑仙非所取清才如子不多人

寄陸靜遠

積雨雲林生薜蘿墨池新漲浴群鷺
每懷笠澤漫漁釣更擬滄浪聽棹歌
蓮葉滿湖雲掩柁花垂戶雪婆娑
布帆十幅秋風東即買吳船載酒過

題趙榮祿墨竹

綠江脩竹巧臨樓慘淡松烟忽若無
亂葉驚空分向背寒流篆石共縈紆
春渚雲迷思鼓瑟青崖月落聽啼烏
誰憐文采風流意謾賞丹青沒骨圖

李文遠製墨次吳寅夫韻

潘衡墨法老坡傳承晏昆仍又幾年
独依山室燒桐子贈与仙人寫内篇
石竈霞光存活火夜帷雲影炫晴烟
要知文字遺不朽猶向詩中咏墨仙

張貞居有詩東梁鴻山楊君次韻

鴻山一向受朝曦戶牖嵐光晝吐吞
梁婦終甘隱吳市戴琴遂不逾王門
弦歌宥虛千載井田依自

一村掃雪独尋楊處士蕭條古道与誰論

用王叔明韻題畫

王郎筆力追前輩海岳新圖入卧遊
独鶴眠松猶警露孤猿挂樹忽驚秋
陶潛宅畔五林柳范蠡湖中一葉舟
同黃狹岑期歲莫殘生此外更何求

居竹軒

翠竹如雲江水春結茅依竹住江濱
階前迸笋逆侵迳而後垂陰欲覆隣
映葉黃鸝还自語傍人白鶴亦能馴
遙知靜者忘聲色湍屋清風未覺貧

送芳祖二上人參礼育王寺光公

四明之山林麓幽育王塔前神光流
湯休賦詩歎寂寞速公結社憶風流
貝葉經文白業進曇花樓閣青春幽
易屨上堂礼足已香烟雲烟共悠々

宴吳氏樓居

雲松之樓高入雲松頂風声十里聞
瓊盃綺食行春雨翠幔朱簾捲夕曛
宴遊適當山擁榻醉卧莫遣人書裙
西飛白鶴東歸去回首巢居謝俗氛

岳王墓

奸任忠誅轉纒悠鄂王刃業浩難收
出師未久班師急相國翻為敵國謀
廢壘河山猶帶憤悲風蘭蕙掩

鷺秋異代行人一洒淚荒墳落日重回頭

九日

自嘆不能孤九日一壺濁酒對西山遙憐玉樹秋風
裏靜看冥鴻落日間草木蕭蕭雲更碧山川漠漠鳥
飛還長途誰是陶彭澤被褐行吟意自閒

送張鍊師遊七閩

高士不羈如野鶴忽思閩海重經過舟前春水它鄉
遠雪後晴山何處多敲鉢卧雲芳草細鉤輶啼樹野
烟和武陵九曲家清絕落日采蘋聞棹歌

首夏即興呈貞居

鷺鳴如雲散碧波來禽青李壓枝依深林汲澗常聞
虎清書焚香松下帷路出城東無十里燕來堂上不
多時可伶稚筍都成竹忽見春蚕已吐絲

杭人有傳余死者貞居聞之愴然因賦此以寄
果園橋孰誰分餉茅屋詩成懶寄將哀謝皆傳余已
死迂疎真与世相忘夜分風雨雞鳴急天濶江湖鷹
影長空落百年能幾面論文猶及重銜觴
霧隱空山秋已深茅齋酒熟向誰斟菊花楓葉愁相
並澗水松風伴独吟洗耳不堪聞俗語醉眼且溪罷
清琴遙知對月深子憶忍不題詩慰子心

奉次張伯雨潘子素酌唱韻

園桂樹覆岩阿茅屋歸來雪一窩高卧丘園奇氣
在倦遊江海故人多楚山白鶴遵寒渚練水長魚出
素波去々南州書問少奔寥誰和紫芝歌

再和

至元三年丁丑歲十一月廿日子素徵君与允泛
即官共載過元度許泊舟新塘之上寄示去年子
素徵君与僕酬倡詩去年二君留林下實長至日
也而明日亦適長至忽然隔歲感之興懷貞居在
餘杭北郭結樓居之号茅嶺行窩余久欲往觀而
未能也且貞居湊有來此之約因志筆重次韻一
首

已向雲林開別墅蕪聞茅嶺有行窩提魚就煮興不
淺省竹頻來意更多梅烏雪晴紅綴萼墨池水暖綠
生波懸知潘令閑居賦不比陰山勅勅歌

送盛高霞

霜髮飄飄鶴上仙相逢遼海幾何年種桃遂有劉郎
賦鼓瑟寧知曾點賢華表不歸塵泪吹蕭何處月娟
娟嗟余百歲強過半欲借玄忘靜學禪

寄高霞

不見情親踰一載，素書到手淚滂沱。仙人脫骨煩重
瘞，去鶴思歸忍再過。墓左碑隨烟燼冷，手栽松斷斧
斤多。知君欲話悲辛意，慟哭爭如後會何。

宿清流堂

行慶院中無市声，清流堂上晚風清。一派濁淫浸污
染，百灘白月見空明。我性非澄本尔淨，外塵徒擾元
不驚。恒公宴坐清涼海，還許遊人未濯纓。

贈君震

遠愛尋山復好仙，鶴歸城郭幾何年。靈芝每撮岩前
秀，秘訣還從肘後懸。松月半空垂羽蓋，風湍一壑寫
鵝絃。擬開精舍當懸溜，唯与丹陽許并玄。

贈張植

憶昨州民饋鮮初，兵戈阻絕飽艱虞。忽驚歸路千荆
棘，莫致南溪雙鯉魚。別浦秋蓮明泛泛，寒廳夜雨落
疎疎。青衫從事將軍慎，已覓門多長者車。

題登貽王光大

荆南山色隱晴湖，暖翠當窻不用圖。避世移家今十
載，感書連舸泊三吳。可怜畫卷捲歸夢，依舊香奩傍
藥爐。珍重故人王架閣，筆能扛鼎要人扶。

荆南山色青如染，卜築正當溪水南。浪舞漁舟鷗泛

泛雪消沙渚，柳絲涼軒楓葉晴。雲綴秋浦荷花落，
日酣舊宅不歸幽。夢遠吳松聊結小禪龕龍。

寄白石

傲屋淪盟也任渠，爭巢野鶴厭鳩居。人情轉劇空懷
土，家具無多莫借車。踈獨行良不易，紛薄俗竟
何如。波瀾翻覆幾千變，道眼遐觀熱惱除。

寄張德常

身世蕭蕭一羽輕，白螺盃裏酌滄瀛。逍遙自是忘鵬
鷗，漫浪何須記姓名。石鼎煮雲聽澗雨，玉笙吹月和
松音。憑君為問張公子，曾到良常夢亦清。

送德常同知

聞道之官嘉吏去，載書連舸泊江濱。城樓近瞰吳松
月，堆館微沾滄海雲。宓子風流常宰邑，張翰識達更
能文。亦欲東觀釣鯨手，棹歌秋趁白鷗羣。

次韻奉答德常別駕初夏見懷一首

隔浦颺鳴似打衙，雲濤城郭夕陽斜。汀前露冷魚鱗
屋，窻裏烟輕蟬噪紗。沛澤風雷時幾幾，談空衣袂不
沾花。欲分香飯能來否，菩薩如今只在家。

題張以中野亭

人境曠無車馬雜，軒楹只在第三橋。開門草色侵書

幌隔水松声和王蕭一榻雲山供夏簟洲江烟雨看
春潮君能擲取飛霞珮天際真人近可招

贈惟寅

陳君惟寅天倪先生令子也天倪為黃清權高士
之甥清介孤峭甚似其舅讀書鼓琴不慕榮進澹
泊無欲以終其身惟寅能守其家法者也世故險
熾安貧自樂窮經學古教授鄉里邑養得親之懽
心友愛及弟妹之和樂綴葺詩文于以自娛余嘗
愛其藻麗不群蕭然有出塵之想聊搗鄙語用款
才華莫春之辰忽過江渚復示新製相與諷詠回
成長句以歸美焉

不見陳君動隔年莫春孤坐此江邊政憂江濶多風
雨失喜君來共簡編諷咏新詩非偶尔艱虞遠別更
淒然看花相約重相過已放柳條維酒船

題孫氏雲林小隱

天地飄搖一短蓬小窓虛白地垆紅脩然忽起梨雲
夢不定仍因柳絮風鶴影離簷簷上下底近散漫屋
西東杜門我自無干請開寫芭蕉入畫中

陽春堂

陽春堂下春波綠臘雪初消蕙草青未覺避喧離世

俗也知習靜愛郊坰欲為野迳孤琴約盡醉華筵双
玉瓶見說陶朱有遠趣長松傾蓋碧亭

送杭州謝摠管

南省迢遥阻北京張公開府任豪英守臣視爵等侯
伯僕射親民如父兄錢廟有碑刊夜雨岳墳無樹著
秋声好將飲食濡飢渴何待三年枵改成

上巳日感懷

石梁破屋路欹斜似華陽道士家漢春雲飛別
鶴潺湲夜雨雜鳴蛙閑看稚子翻書葉時有隣翁汲
井花日莫傷心江水綠共舟人已躡飛霞

蕭澁善集其師張外史詩為賦一首

葛翁臺上縑經履陸子來頭試茗時石記只留金齒
閣宮銘猶樹玉津池晚探風雅还心醉謾說曹刘是
我師麟角鳳毛動採拾却愁雷電取無遺

贈張玄度時方喪內

吳松江水似荆溪九點烟嵐落日西寂郊園寒食
過蕭風雨竹鷄啼蕙花委砌心應折芳草歸途意
轉迷曾得魯連消息否春潮隨雨到長堤

三月廿二日雨懷荆溪勝遊寄原道

我昔繫舟尋杜牧荆溪流水落山光春茶已放仙人

掌露鮮渾侵玉女床酒闌更踏花間月舞罷猶彈陌
上桑此日狂遊忘旦暮十年回首意茫茫

二月晦日聽劉伯容彈琴

速思翻屬五湖一盃濁酒咏唐虞清琴忽作金石
弄佳士今猶山澤臞飛絮游絲颺風日瀑流松吹洒
中襦群龍汨溺淫坐久古樂蕭條古道迂

次韻送梁生讀書沈在

上蔡梁君譜系蕃凌烟勛業奮諸孫庐山傍斗可攬
秀大江自岷初發源夜誦庭柯雜琴響春羹汀蘆帶
潮痕休文曰宅宜終隱歸近南湖祇樹園

酬文生

泖水山光照屋廬每思潘令賦閑居客愁不解連三
月詩贈全勝枉尺書醉墨不妨拈秃筆狂吟時淺近
前除亂離自歎摧頽甚晝寢毋嘆老宰予

次韻思溲送元白上人往中竺

求法高僧何處去向中天竺最高峯飛鳶欲沒天低
樹杖錫應投湖外鍾半席白雲臨碧澗四更落月挂
長松空回依約三千歲若見拈花紹遠宗

寄錢伯行

班班苔砌蕙花消息美人山水區夢得池塘春草

句望殘烟日晚江湖汀雲沙鳥特同宿野飯芹羹或
見招洒掃南湖石上月為留清影醉吹簫

次韻張榮祿追和楊別駕賦王番陽東湖勝遊

四首用呈雲浦耕雲二明公

祇今誰是番陽守別駕題詩凡幾春僚屬得才青瑣
奮兒童騎竹白頭新當筵意欲凌雲外今日人誰問
水濱陳迹寒風景切桃源何處覓遺民

賓客泛遊逸興多兩深春者綠增波笙簫載月迴鳶
鶴雲錦飛裙織菱荷短世悠々大槐國餘哀嫻々竹
枝歌湖山寒落行人老翠影蒼烟寒蕩磨

散亂鳧鷖發棹謳波明雲淨宛如秋酒盃青落垂楊
影塵尾風生杜若洲匣裏鳴琴成海掩盃中覆水竟
難收白頭聞說開元盛双淚滂沱似瀑流

湖上晚風明綺霞春雲覆竹影交如歌喉圓滑吟山
鳥舞袖低迴乱渚花綠淨碧虛寧散唾星垂河注欲
乘槎玉堂坐想當時勝榮祿詩成謾自誇

桑柘

桑柘蕭條半草萊百年人事哽悲摧沙丘漂母寧沒
有故國王孫誰見哀歌吹淒涼銅雀妓世途荏苒霸
城災遙知軟勒穹廬野日夕牛羊欲下來

謝伯理東還訪之不遇次韻因賦

謝眺宅前山黛濃山雲飛墮墨池中携芳家又作心鄉
夢歸棹還隨落葉風鶴入暝烟愁浩渺鷗浮遠水思
清空尋君不遇成惆悵江草青岸蓼紅

喜謝仲野見過

塔下櫻桃已著花窓前野客獨思家故人携手踏江
路拄杖敲門驚夢華藉草悲歌音激烈停杯寫竹字
歌斜新蒲細柳依綠西北浮雲望眼遮

丙午十一月十九日避泖上丁未十二月十六

日始去此至陳溪分湖間矣

泖渚淹留再燠寒移居何處小林密可憐產不能恒
業聊漫心隨所遇安船底流漸微浙葦間初日已
團故人存沒應難訪愁裏題詩強自寬

寄錢伯行

春雨斑斑長菡苗坐冷依砌蕙花消此時行逐泉侵
濕閉戶哦詩江動搖政尔清虛忘世傲不妨貧賤使
人驕下帷寂寞錢微士艇子看花許我邀

寄王成夫

茂深閉閣独焚香那識窮愁客異卿坐拂朱絃彈綠
水狂携紅袖泱清觴春池雨後泉應滿庭樹雲移影

更長月燭露惟非子樂五湖烟景屬漁郎

寄陸明本索酒

楊柳低昂蕙草青青西在風景似華亭日修長史登真
訣夜誦虛皇內景經玉籍初標紫臺籍石苔應長新
宮銘自慙服食清虛甚為覓松肪釀百瓶

乙未歲余年適五十幼志于學皓首無成因誦

昔人知非之言慨然永歎謾賦長句

陰風二月柳依隱映湖南白板扉旅泊無成還自
嘆吾生如寄欲何歸美人竟與春鴻遠短髮忽如霜
藻稀五十知非良有以重嗟學与寸心遠

贈王文靜

靜寄軒中酒一尊陶然醉裏別乾坤碧桃花只當窓
發翠竹陰須暝户繁蔭冉冉春光逐風雨婆娑歲晚樂
丘園詠更祝螽斯羽若欲宜男賸種萱

在同里懷尤用

一水東西雲窈窕幾家楊柳木芙蓉齋居幽間無人
到展齒經行破蘚封密竹窓虛秋半雨楓林寺遠日
沉鍾寄詩為道長相憶想亦依念去踪

次韻卷元用

野水浮鷗不世情烟濤漂泊羽毛輕雲移短棹無機

久雪點青山照眼明甫里宅邊逢酒熟吳松江上看
潮生夫君為話征途苦惆悵令人意不平

次朱東中韻

鳥啼花落水西潯幾日門前春水深文室自寬千戶
邑一經已富滿籬金榜散餘年猶嗜酒夢回遠道獨
驚心桃源亦有秦人在落日漁舟何處尋

贈張玄度

一年不見張玄度秋後吳城忽尔逢清似石湖梅上
月瘦於廬阜瀑邊松白冠緇布前朝服短髮長齋日
口容昔者交用淪落盡埋憂為樂且遊送

題本中峯觀蓮像

東南唱道據禪林詠蓮心契本心善矣不塵仍不
染美哉如玉淩如金三周妙法耆闍崛十丈開花玉
井岑今日仰師猶古佛風波回首一長吟

寄熙本明

在山無事入城中每問歸樵得信通松室夜灯禪影
瘦石潭秋水道心空幽扉独掩林間雨踈磬遥傳谷
口風樂度行吟欲相覓乱流深澗隔西東

白首遥知得道餘不聞詩思近何如高齋夜雪同誰
話古木寒山独自居夢裏只尋行去路愁時聊讀寄

來書夕陽溪上多飛鳥若箇能看影是虛

用王子明韻

送俗浮沉多厚顏醉筵舞袖作弓弯雜羅孰是逃三
窟豹管能窺見一斑縱酒已拚時共弃歌詩猶与世
相関采薇岩穴聊終隱林下開雲自往還

寄廬士行

闔閭浦口路依微笠澤汀邊白板扉照夜風灯人独
宿打窓江雨鶴相依畏途豈有新知樂老境空思故
里歸擬問桃花泛春水船頭浪暖鱖魚肥

送徐子素

山館留君才一月梅花無數倚霜晴垂簾幽閣團雲
影射火茶炒作兩声深竹每容馴鹿卧青山時与道
人行歸舟載得梁溪雪惆悵隣鷄月四更

題昼送僧

不到荆溪三十秋南津溪水亦東流用公位近金鷲
嶺魏族猶隣白虎丘楓葉爛斑霜落後竹枝蕭瑟渚
邊頭歸逢古德方厓吏為話談玄四日遊

用大樸吳人也住宜吳保安寺壬子九月十九日

將還山戲寫秋樹筠石并詩以贈之且以呈方厓
禪伯云

綠波軒

綠波佳思淡如何階下清陰芳草多爛醉哦詩絃寶瑟開眠軟枕慢烟蘿莫將華髮臨明鏡還寫黃庭換白鷺剪取吳松雲錦麗天孫棧村隔明河

又題

旅况沁酒似夢中孤舟江上白蘋風蕭條病起三家墅憔悴天涯一秃翁羞底鷓鴣歎鵬狀雷鳴瓦缶弃黃鍾憂來直欲窮牛渚河漫迤迤碧溪通

次韻富齋秋懷

渚滿岸柳望秋零桂樹懸香月影清整水浮舟歸未得酒盃到手向還成雲松眠鶴夢方遠露草寒蟬鳴不平南郭先生玄默久猶將詼詠寄閑情

問我歸期未有程秋光羈思共凄清雪留鴻迹應如幻纒仰龜毛豈有成破屋逃亡寒燐起故宮基構綠蕪平試聽鳴咽長溝水本無情似有情

思歸江漢濯塵纓况乃秋高氣廓清湖壁山岳初睡起一簾烟雨又詩成遠樹仄烟鶴唳飛鷺帖暮潮平屏風九疊淙松瀑擬畢餘生栖遁情

追和虞道園送張伯雨入茅山詩韻

外史栖真何處尋桐花源上草苔深屋壇醮後雲封

徑仙驥歸來風滿林舟電石墮遺迹寒松流水續幽吟虞書傳寶人間世為有清詩寄碧岑

東林隱所次韻

寢扉桃李書陰耕鑿居人有遠心一夜池塘春草綠孤村風雨落花深不真遊老群爭席時有遊魚出聽琴白髮多情陸徵士松間石上續幽吟

寄張府判

德常明公舊有良常草堂在金壇華陽之天良常亦華陽洞名揭鼻碩張仲舉諸學士嘗賦詩紀勝其後德常官遊無空居政績彰顯著今為松江府判官因士友潘昌仁之便輒賦七言一首奉寄

陰陽冥隲宜少留意開居尚可為之况身有職任而值飢者易為食之時乎仙官分置洞宮亦如世間局任者矣吾德常兄固知之也詩中回寓斯意云缺崖翁見之必大笑也今英似來侍併為致意

樗散張侯意久疎齋厨服食轉清虛童初府署標名後碧落仙官校錄餘海上空濛歸比鶴人間繁劇臭如駕吳松江水浮青玉聊此食霞駐羽車

夜宿張判府環綠軒贈玄度

戊申十月十八夜環綠軒中借榻眠舞影霜筠風細

細紫窓素練月娟。此生寄迹薦蘧者何處窮源漁
刺船染筆題詩更秉炷語深香吟思凄然

呈良常安遇賢伯仲

無家已老漫何歸碧樹圍。尚夕暉清越風湍帝子
瑟縱橫隴畝僧伽衣世波河溺毋溷我節存炎涼且
息機白鳥汀前坐來久泉侵野徑暮依微

松陵竟失五車書梅里燒焚舊屋廬衰季悲吟歎羅
隱盛時作賦羨相如伊優骸體漫何似臃腫支離聊
与居日。秋風白蘋老門前江水接空虛

三月一日自松陵過華亭

竹西鶯語太丁寧斜日山光滌翠屏春与繁花俱欲
謝愁如中酒不能醒鷗明野水孤帆影鶻沒長天遠
樹青舟楫何堪更留滯更窮幽賞過華亭

再用前韻呈錢思復

霞飡雲卧養黃寧王笈幽文護石屏一榻松壽金石
弄半鑑茶雪夢魂醒瓏玲泰室生虛白縹緲空歌自
始青不見仙風雲上過羽車芝蓋曉亭

再用韻呈諸公

北窓高卧自清寧烟霧水棠雲錦屏舉世無知心自
得衆人皆醉我何醒黃熊黠野兵埃黑白骨生苦鬼

遊青曰宅荒蕪時入夢墨池誰訪子雲亭

贈劉伯庸

前朝丞相劉忠肅尚有雲仍能鼓琴聽者三沐以三
譽善哉如玉漫如金久滯鄭衛乱吾耳忽漫古初之
雅音我思古人某急欲用此養正而釣深

贈別姚子章都事

不見高人十五年相看兩鬢各皤然酒温鶯語煩三
請堪熟蚕筐已四眠舞袖醉傲明月下歸心飛度白
鷗前練溪倘見韓徵士好示新箇竹色娟

四月廿八日蓬屋題

江湖風雨夢頻驚舟楫沿洄莫計程不幸乃今成大
幸有生真亦似無生郝生自足賢賓主岑氏誰言好
弟兄世故愛憎逆毀譽一杯聊漫暢幽情

子章號夢庵志筆題

夢庵春夢幾時醒隱約江湖且寓形愁見亂離心忽
忽迹疎親友淚焚松陵遇我才經宿浙水歸舟且
暫停蕉鹿絲何得失眠明烟外數峯青

贈友生

江頭二月雨垂垂起濯塵纓水滿池賀監宅前重載
酒辟疆園裏更題詩川塗渺漭歸遠窓戶虛寒燕

到邊忽見故人王，怨閣夜闌熏炷話余思。

次韻答王彞齋見贈

客居北渚靜窺曉，霜藻蕭蕭雪滿簪。玉石在山聊混璞，金蘭惟子久同心。每懷往事悲今事，莫弄分陰惜寸陰。自嘆蝸庐無長物，窓前陶器与單衾。

寄朱府判

明月娟娟夜二更，挑灯孤坐不勝情。尊前旧恨多年積，枕上新愁何處生。已作閑雲孤鶴去，不堪隨柳傍花行。使君為省春田出，可念憂時老釣耕。

和朱彞中二首

僦居茅屋碧江邊，花落空階一尺深。山簡由来狂愛酒，管寧不淺顧鉏金。長鯨駭浪成何事，老鶴鳴皋見遠心。中歲畏送親友别，自怜華髮已侵尋。白板扉開江水濤，雨餘階下綠苔深。愚人自寶應非石，同舍緣知不盜金。天地瘡痍誰漫憫，江湖羈絆我同心。故山日日生歸夢，翠竹青松自百尋。

題王敬之屋壁

我來陸在如故鄉，風景日淒涼。解憂幸有盈樽酒，慰眼新栽百畝秧。蒲葉清波閑濯足，荷花斜日起鳴榔。當年李白成何事，白髮緣愁万丈長。

贈周校書

中年習靜松江渚，回首塵埃多厚積。富貴不如長慶賤，奔馳何似得心閒。參天竹樹存貞碧，動地波瀾任往還。輸与荆溪周處士，避人探道掩松關。

過桐里

依微同里接松陵，綠玉青瑤繚繞紫為城。江草色独行烟渚，暮鐘声黄香宅裏留。三宿甫里門前過，樂程借書市藥時來往，不向居人道姓名。

寄陳余二校書

吳松江水碧於江，忽憶陳余兩隱君。酒艇時搖夜濤月，書幃影乱晴窓雲。一貧老我長為客，二陸英賢已著文。何事兩君唯寂寞，清言况不使予聞。

贈別榮子仁

退食泛容下玉除，當年史館燦成書。藝場馳騁參寶戲，筆陣縱橫賦子虛。松水娛情經亂後，圖書連舸度江初。君來愧我無供給，一勺寒泉薦菡萏。

次韻卞生

已送鷗鳥狎雲深，老我無機似漢陰。采菊花猶滿地，蕭蕭霜髮不勝簪。南遊阻絕傷多壘，北望艱危折寸心。好在吳松江水上，青猿啼處有楓林。

贈姚掾史

相府共推三語掾卜居曾占九龍峯
美鬢不独如靈運佳句仍兼似鮑溶
我有茅齋當絕壁時看晴雪落
長松因君喚起故園夢彷彿三生石上逢

別章鍊師

方舟共濟春江濶訪我寒烟菰葦中
鼓柁斜衝菡萏葉兩鈎簾半怯杏花風
仙人壇上芝應碧玉女窓中桃
未紅擬趁輕帆數來往縹壺不惜酒如空

寄養正

得君佳句清如玉秋色驚人換物華
老境侵尋真有感故園隔絕更興嗟
女蘿綠遍牽茅屋烏相紅明暎
落霞欲酌一尊澆磊塊幾時邀子過田家

贈岳松澗

曾訪神仙五粒松澗泉流潤白雲封
林間蘿藦交青影石上蒼蒲開紫茸
煮石有方留秘訣采苓何處覓
行蹤岳君別我三千歲晚戲滄洲又汝逢

次韻屋漏

寂寞江天暮色懸重陰愁絕卷塵編
走看破壁而沉寗思卧芳花雪滿船
風捲高堤高樹枝泉翻野援藥
首延青山天矯浮雲外自愛新秋爽氣鮮

送張貞居遊靈常洞兼簡王晉齋

荆溪山水闕靈宮子晉笙竽駐碧峯
午夜月明風滿帳千厓人靜鶴眠松
綠知瑶草春來長應有仙人洞
口逢莫為青瑛翁久住歸時騎取萬
波龍

陸文玉見過

荆溪二月春風惡燈火論交夜對床
白鶴逸壇初露下碧梧滿地忽霜黃
卜商失子人誰吊阮籍窮途只
自傷政使陸即能慰藉賦詩懷舊更
淒涼

送從事之越中

郡廳草色映青衫送事風流雪滿簷
家憂長官能化俗也知僚佐願停驂
右軍宅裏尋青石賀監湖邊咏
夕嵐它日送君覓佳果來禽青李不
須函

送僧遊天台次張外史韻

四明山水名天下師去那知客路遇
雪雲驚鷹騰宿莽月明寒鵲集疎條
坐尋雲頂千峯石歸趁江頭八
月潮說与住山光老子送賓也合過
溪橋

過許生茅屋看竹

舟過山西已夕曛許生茅屋遠人
群鑿池數尺通野水開牖一規
留白雲煮藥烟輕衝窻出碓
茶聲遠隔溪聞可恰也有王猷
興堦下新移竹此君

送葉道士東歸分得懸字韻

憶尔心如旌旆懸相逢仰渚欲華顛窮冬風景吾哀
矣落日烟濤思渺然八咏樓前思舊宅三高祠下覓
歸船樓幽之洗塵喧耳刺吸東陽一斛泉

送柳道傳東歸

賦詩南澗寫烏絲霽之停雲去後思鄉國動成經歲
別江湖淩與故人碑溪船斫膾雲生柁松室聞猿月
滿枝他日重尋言子宅咏歌唯許暮春時

寄開元長老兼呈鄭明德

已公令我詩興生堂下綠苔無俗情天女下試寶花
墜曲生相逢青眼橫布金已住長老宅乞食應憐王
舍城何當棹歌一來過同載唯許鄭康成

贈道士李嘯虛

龍虎岩前李鍊師幾時飛鳥洞庭陰晴天白鶴興閑
遠秋水蒼龍光陸離山中杏熟泛收穀塔下芝生嚼
奕棋邂逅樓船海上便還應与尔道相期

失鶴

啄粟巢松秦華峯直將天地作樊籠不聞丁令歸華
表應馭王喬入太空行迹縱橫苔石上寒棲依舊竹
林中清齋我亦厭腥腐長嘆思乘萬里風

送章鍊師入京

五鶴翻々朝帝京青童選侍玉皇君倚天樓觀金銀
氣蔽日旌旗錦綉文夜礼洞庭薦為明水春陪遊輦望
祥雲何人得似愚溪子高攀凌風思不羣

贈楊大同

石魚峯下子危子出有楊義陪勝遊斜日碧山梁苑
暮清風白拂冶亭秋松肪和飲三危露桂棹同乘萬
里流擬酌春醪相慰藉梅花欲發聽鳴騶

江上遇楊德用

吳淞江上米家船邂逅龜蒙舊宅前政似燕鴻交泛
泛聊憑楮穎度年年棹床滴雨誰沽酒破袖蒙頭独
坐禅莫學山僧空載月主人情重更留連

寄德用

故人欲問梁鴻宅遺迹猶應杵臼存楓葉菊花秋瑟
瑟荒園廢圃而昏々農人掩舍春明野縣吏催租夜
打門唯有德朋多遠思賦詩剌炷酒重溫

寄文

幽窓談笑話平生三十年前與變更白髮滿頭今已
老青山排闥故多情桃花灼々應無語春雨蕭々尚
未晴明日扁舟携好酒南山茅蕨正堪烹

馬國瑞東臯軒

未羨勳名馬伏波少游鄉里樂婆娑輕舟陌上山堪
數細雨籬邊蕭未莎浩蕩五湖鷗夢遠蕭瑟萬里鷄
情多寒廳時有幽人宿月烛高張幔綠蘿

次韻通書記同過鄭先生舊宅

女蘿垂綠翳衡門野水通池沒舊痕有道忘情觀物
化清言如在相人存凄涼江海空茅宇慘淡烟埃委
石尋一真山泉薦芹藻古心寂寞竟誰論

清明

江雲籠雨白烟生愁眼看花淚濕纓可惜紅英滿秀
草又經上巳溼清明漂零羈旅燕鴻迹既已怨思見
女情老鶴莫教塵土沈碧岩松下紫芝榮

溪山勝槩樓

樓下清溪夏亦寒溪頭箇白鷗開風回綠卷平堤
水林缺青分隔岸山若士振衣千仞表何人泛宅五
湖間絕憐與子同清賞定向雲霄共往還

和華以愚韻燕題所登春山高士圖

扁舟溪上數來過白髮殘春奈我何柳絮如烟迷曉
浦杏花飛雪點春波林扉有客圖丘壑石室何人帶
女蘿欲和華山高隱曲竊愁悽斷不成歌

寄王明卿

不見孝廉踰十年高人風節自居然數間茅屋無人
補一榻寒雲只獨眠酒榼時須粟里蕭茶爐還煮惠
山泉衡門不出棲遲久坐有孫登碑一絃

送霞外師過磧沙寺因寄鄭博士毅長老

湖水東邊磧沙寺繡經室裏看爭棋食剛沙鳥業當
戶坐愛汀雲影入帷惠遠何脩為律縛康成終老只
書痴寄語山靈莫疑怪松陰好護中興碑

次韻錢思復見貽

文章傳法似傳灯治病宜求三折肱退食君休大槐
園安居我學小乘僧業勤已有用未樂步澗能無祖
武繩欲挈一壺相慰藉春船月色待君乘

贈墨生吳善

吳生製墨變潘法住近義興山郭中沈玉巧當前澗
水采花還覓古時桐照夜缸光灯隱壁拂雲鷲尾谷
生風長年圭璧富潤屋我善養生那有窮

風雨

風雨蕭條歌慨慷忽思往事已微茫山人酒勸花間
月秦女箏彈陌上桑灯影半窓千里夢泥塗一日九
回腸此生傳舍無非寓護認他鄉是故鄉

宿普度僧舍

悲涼華屋松荒墟人事乖張已久如兩部草池蛙鼓
吹一襟桐露鶴塔除狂遊且盡餘生酒宿習猶存半
舸書初日輕烟權歌去江潭柳影亦蕭疎

寄周履道

燕白不見周微士落月空梁夢見之久狎海鷗聊避
俗虛言市虎竟成疑尊前節序梅將玉鏡裏形容髮
已絲日暮烟濤隔城郭蕭條南渚一吟詩

曲彥遠寄若果賦此道謝且求致梨栗木瓜

逸屋青山謝眺居木心梨栗種扶疎不妨暇日騎官
馬自喜清時少簿書九月披衣霜欲落百年回首鷹
飛初猶憐鴉空山客若果封題遠慰子

寄徐季明

海虞山下徐公宅脩竹長松左右栽陳榻待君時一
下願園有客莫驅回至今清夢依在欲寄新詩草
草我自是漫郎嫌俗子也應魚石有蒼苔

三月廿二日雨懷荆溪舊遊寄原道

憶昔荆溪棹酒船綠波搖蕩女蘿烟春茶未放仙人
掌兩巖先舒稚子拳岩間石上尋遺迹作賦題詩多
昔賢今日空齋獨對兩幽懷猶夢白雲邊

乙巳三月七日清明風雨憤目成長句

春風多雨少曾晴愁眼着花淚欲傾抱膝長吟酬短
世傷心上已渡清明亂離漂泊竟終老去住彼此難
為情孤生吊影吾与我速水滄浪堪濯纓

次韻贈林泉民張孟辰

三逕誰尋二仲蹤一丘之木紫溪翁思尊張翰有清
識閉閤茂深多祖風午夢池塘春草綠輕陰窓戶落
花紅應懷錫谷林泉勝山色依微在望中

故吾一首

縹緲青山日欲晡淋漓漫秋水興何孤鶴歸城郭生新
夢塵掩圖書尚故吾南畝藝苗傷碩鼠北窓臨澗聽
啼鳥醉歸倘乞封侯地便復移家傍酒壚

寄顧仲瑛

江海秋風日夜涼虫鳴絡繹尚練裳民生惴惴瘡痍
甚旅泛依道路長哀柳半歌湖水碧濁駭猶逐菊
花黃知君習靜觀諸兵林下清齋理藥囊

病中懷先友華陽外史用韻一首

憶昔時雍四海寧華陽外史住南屏春愁黯黯懷仙
引幽鳥閑喚夢醒寒鷹歸時蒼出谷園花落盡柳
絮青傷心南北數千里無邊沙墩長短亭

子章瑞夢庵走筆漫題

夢庵春夢與時醒隱約江湖且寓形愁見亂離心忽
忽跡疎親交淡焚松陵遇我才經宿浙水歸舟且
暫停蕉鹿紛々何得失眼明相外數峯青

兩中在林氏賦贈徐生

終朝風雨洗炎歊隱几無言思沈寒已絕鳴蟬咽衰
柳空吟翡翠集蘭若嘉魚坊裏多名酒碧鳳橋邊欲
晚潮二子林徐有高致為陳筆墨遠相招

寄陳庶子

高行昔聞陳太丘雲行好在思遠遊舟砂擬訪葛洪
井湖水堪乘范蠡蠡舟銀欲變頭先白田林可釀行
歸休且排憂憤澄神慮奏刀已覺無全牛

歸錫麓

未訪西岩墨沼泉東家兒女笑相牽莫話艱難長旅
食敢忘蕭散送餘年穰程雲黃秋雨後芙蓉霜落渚
鷗遙歸來何異遼東鶴荒塚纍々思惘然

送葉道士再用懸字韻二首

愁心黯對夕陽懸忽見高標喜欲顛似與人民千歲
隔更詢耆舊一悽然青灯綠酒看成醉秘篋珍函自
滿船歸去還臨劍池月定應歌此酌山泉

君到茅簷雨濕懸采芝期我碧山顛披髯一咲非徒
爾隔世重逢豈偶然沙渚展声歸柳客晚潮帆影下
江船為予一話艱危際双淚沾衣似迸泉

學書

吳業枸杞護藩籬一筵莓苔卧鹿麋獨許陶泓為
友更呼毛穎伴幽栖野鷺家雞成品芽來禽青李入
書題臨池自歎清狂甚直好還同鐵柳稽

贈范婿

范公文杏園西宅喧寂一塵潭異宜鼓琴深林調清
越讀書稚子声吾伊簾旌不動香如霧硯席生涼雨
散絲欲飲寒泉錫麓洞暫遠清賞一題詩

題鄧氏扇上

鄧家層軒留十日陸郎酒船來百回尊羹魚膾亦已
甚冰既雪碗何為丸江雲飄々委坐席岸柳垂々落
酒杯飲酣戲寫齊紈扇山河微影月裴徊

二月二十日大風

南渚春風二月狂住船濯足 鳴榔烟邊去鳥暮山
碧衣上飛花春雨香

遠懷不作悠々語忍躡飛鳧返故鄉

寫畫贈潘仁仲醫師

屋角東風多杏花小軒容膝度年華
金梭躍水池魚戲彩鳳樓林澗竹斜疊
清談罪玉屑蕭白髮岸烏紗
于今不二韓廉價市上懸壺未足誇

贈沈生賣墨

沈學翁隱居吳市燒墨以自給
所謂不汲於貴富不戚於貧賤者也
烟細而膠清黑若點漆近世不易得矣
因賦贈焉

桐烟墨法後松烟妙賞坡翁已久傳
廉角膠清瑩玄玉龍文刀利淬寒泉
山麻唯珎白鴛帖雲窓誰錄古首篇
愛爾治工吳市隱收煤室教灯然

倪雲林先生詩集卷之五

荆溪寒曦 朝陽編集

五言絕句

題臨水蘭

蘭生幽谷中倒影還自照
無人作妍媸春風發微咲
二月廿二日潘子素王村明來慰藉臨別為寫
水傍樹林圖并題

題畫與溥泉

積雨開新霽汀洲生綠蕩
臨流望遠岫歸思忽如雲
息景憇烟霞澄懷卧丘壑
夕暉蘇仙君莫驚松上鶴
玄洲侶和十首繼趙魏公張外史作

奕三素雲團如車蓋下有采芝仙游神与天會

右箇山

玉晨啓玄扉靈篇受飛仙鍊景返洞官保真億万年

右羅姑洞

混淪青瑤流煥爛雲錦光飛軒駕神君宛在甸山陽

右霞駕海

胎仙集丹臺真宰降玄居
翕忽神廳散燒香礼太虛

右鶴臺

密葉蔭方壇珎林寄深合華源遠莫窮
時有幽人宿

右桐葉源

步虛朝東華高嘯追遠遊玄館嘯妙道逍遙宴神州

右玄洲精舍

虛林想遺蹟壇館廢仍存落葉底丹竈清晨雲氣溫

右紫軒

蒼雲乘白鶴傳訊手栽松山室清眠夜千岩聞勁風

右隱居

玉標明霞秀雲蒸混合成流光映金宮雲布拓萬雲

右玉像龕

題自畫

東海有病夫自云總且迂書壁寫綉楮豈其狂之餘
青林歲曲密遠水間微茫飛鷺浴鳧處人家半夕陽

夜作古木怪石因題

夜遊西園渚初月光爛々復倚岩石下愛此林木影

雨竹

雨過瀟湘渚風生渭水波蒼窓揮醉墨翠霧濕烟蘿

竹石圖

雨過黃陵布風生湘水波當時却帆屨若石倚喬柯

寄友

風雨暮蕭蕭高人共寂寥何時截湘玉踏月夜吹簫

題盃

荆溪山水勝不到十年餘蔣氏遺基上寒藤學草書

菜圃

食菜雖云美茶苦蔣自甘猶勝高陽後糴董自飲酣

題秋亭晚色

園林夏雨歇旭日照蒼苔誰見竹亭裏孤坐興悠悠

春江獨釣

春洲菰蔣綠江水似空虛望山以高咏意釣不在魚

墨竹

明月臨虛幌疎篁舞翠鸞獨吟苔石上霜葉媚天寒

六言絕句

題良常草堂圖

結屋政臨流水開門巧對長松為待神芝三秀移居

華蓋西峯

題畫

舟泊溪流曲々鳥啼烟樹重々獨思白鶴遺址好居

五老雲峯

田舍

暖水五株楊柳當窓一樹櫻桃洒掃石間蘿月吟歌

琴裏松濤

山鳥下窺窓牖春風時過柴門避世何須鄭谷作書
已絕巨源

為曾高士登湖山舊隱

厭聽殘春風雨卷簾坐看青山波上鷗浮天遠林間
鶴帶雲還

南村草堂

雲濛濛兮覆渚波剡剡兮侵扉魚群泳而自樂狎鷗
馴以不飛

雲溪佳處

誰覓雲溪佳處渚花汀竹迷藏去鶴原邊倚杖浮鷗
波上鳴榔

題竹園

黃陵廟前雨過卽郭谷口風生愛殺山人清致縱橫
淡寫秋声

題畫

卷畫溪頭喚渡銅官山下尋僧水榭汀橋曲々風林
雲登層々

己酉八月廿六日謾題

田父聊同尔汝狂夫漫問如何昔日揮金豪俠今朝
苦行頭陀

題溪山雪霽圖贈張以中

水影山容黯淡雲林細篠蕭疎誰見重居寺裏雪晴
沙際吟餘

題畫

兩過黃陵廟下雲生玉女井邊野雉啼鳴斜日鷓鴣
啼破林烟

月下參差双玉灯前蕭散孤鴻寄興只消毫楮寫襟
不用絲桐

竹上誰彈清淚如鉛春雨斑々滿眼湘江波浪望窮

白鳥飛還

高樹長松共晚蒼筠野石同貞珎重王家公子嗣々
白鶴神清

高柳喬柯小閣水光山色衡門未老作閑居賦無錢
對北海樽

孝侯廟前雨過卷畫溪頭日曛田迹如今夢裏春風
愁乱行雲

燕乳一首

燕乳雛成竟去寫悲影雙難双借問茶歸故里何如
高卧北窓

畫竹

倪雲林先生詩集卷之六

荆溪 寒 曦 朝陽編集

七言絕句

村居

疎梅兩橘花香寂，
桐陰研席涼恹底。
林間金彈子，
枇杷都熟不知嘗。

絕句四首次九成韻

我別故人無十日，
衝烟艇子又重來。
門前積雨生幽草，
牆上春雲覆綠苔。

斷送一生碁局裏，
破除万事酒盃中。
清虛事業無人解，
聽雨移時又聽風。

沒迳春泥不出門，
山烟江霧畫長昏。
槽床去雜茅簷雨，
破却陰寒酒自溫。

郊子論詩冀北空，
晤言千里意常同。
待晴紫陌堪紵手，
行咏山光水影中。

至正十四年二月廿五日雨，
郊君九成賦絕句四首。

看云杏花簾幙看春雨，
深巷無人騎馬來。
獨有倪寬能憶轡，
昏暈飛到蒼苔春。

色三分都有幾二分，
已在兩聲中。
牆東兩箇桃花樹，
恨殺朝來一番風。

十日春寒早閉門，
風雨怕黃昏。
小齋坐對黃

珍重黃華父子遺，
風得似洋州松雪于今寒。
房山

去後休

我愛焦君味道筆，
端點綴清新規。
棋虎光早歲未窺

北苑入神

贈潘仁仲

瓶內花簷白萼庭，
中池養金魚。
刷虎只憑丹竈活人

惟留素書

金鴨窠窠沈香火自溫春寒辨病頭風惆悵年華逝
水同世事總如春夢裏雨聲渾在杏花中倪瓚雷
宿高齋篝燈為寫春林速岫圖并次韻四詩題盃
上時夜漏下三刻矣佩韋齋中書

絕句三首

秋水清空似沈槎此生汨沒似無涯蕭關堂上收書
坐八月芙蓉始著花

芙蓉花下坐鳴琴疑在湘江斑竹林琴瑟霓旌烟雨
濕秋來江水不知深

岳生孫子家清顛素老彈琴和澗泉一簣松肪初醪
得賸將醉尔竹林前

畫贈馮文仲

知君近住西湖曲湖水淪連似鞦韆下青松高百
尺時々落雪滿琴絃

寄安過

隣家借得酒盈罍薄飯留君午不羨僧夏安居餘半
月重来相与說無生

題玄會庵壁間

風雨繁愁夢不醒紫薇花發渚南亭望中迢遞孤烟
起白鳥飛來荻蔣青

追和戎昱寄許鍊師

雲霧軒窓倚半空少霞銘屢識新宮遇看一片秋山
色鶴影裴徊明月中

双井院前小立

山色微茫好放船秋葉野水夕陽邊西風更洒菰蒲
雨羨尔沙鷗自在眠

雨晴

江上白蘋風起波冷紋榮碧萸烟和織成一幅鴛鴦
錦零落紅衣遠恨多

王季野示余米元章詩卷因次韻

喟然點也宜吾与不利虞子柰若何鴻雁不來風嫋
嫋庭前樹子落紗櫺

吳松江只蒲萄綠金井峯仍縹緲青說与弋人何慕
我高飛鴻鶴杳冥々

大姚湖水白生烟長物都除絕世緣笙鶴不為歸鶴
怨王生真是勝丁仙

題竹樹園

海中鈿網珊瑚樹石上銀鈎翡翠梢烏夜乱啼江月
白檀栾飛影下窓沕

江邊樹影墨模糊江上青山日欲曛野思悵然無晤

語時來臨水照眉鬢

次韻曹都水

水品茶經手自箋
夜燒綠竹煮山泉
莫留携客看棋局
持斧歸來幾歲年

蕭關館裏挑灯宿
山蜀重敷六尺床
隱几蕭條聽夜雨
竹林烟幕煮茶香

惠麓小隱

錫麓洞前開竹扉
孟公舊築草堂基
已倩王維圖別業
更泛裴迪賦新詩

次韻春雨

鶯啼花落罷琴尊
山郭鳴鍾霽已昏
莫嘆野鹿當羅逕
只有春風到華門

青林微雨見東臯
桑柘陰陰飛百勞
可憐柳絮浮春水
無處縈空百尺高

藉一春雲暎戶輕
綠蕪斜日忽開晴
依微野迳泉侵盡
風落桐花遠思生

桐葉題詩憶君處
望春惆悵夕陽沈
憂來蝶夢飛烟草
黃髮蕭蕭曾不簪

水仙花

曉夢盈湘水
春翠軋白鳳
照江濱
香魂莫逐冷風

散似學子黃初賦
洛神

絕句

醉喚吳姬舞
踏踏遊風欄
花陣亦回旋
愁生細雨寒烟外
詩在青蘋白鳥邊

拜石圖

未章愛現浚愛石
探瑰挾竒久為癖
石凡只拜自寫圖
乃知顏名不虛得

賦宜遠樓

宜遠樓前春可憐
數峯依約亂流遙
若為倚劍崆峒外
回望齊州九點烟

別潘先輩

君來烟草正淒迷
君去溪頭柳葉齊
挂席中流竟東上
莫重回首向荆溪

懷曹都水

荆蠻野褐最清癡
怕與高人話別離
記得解携雙樹下
風帆日短淚垂垂

贈墨生吳善

鋼官山下白雲亭
湖底長松長茯苓
傳得潘生燒墨法
墨成持贈寓丹絳

宿玄文館

玄館清虛五月初秋疎蘿環簾看瀛洲窓前種得青桐
樹時有鳳凰栖上頭

奉答范徵君雲林見懷

想見兩池春漲滿唯應閒院綠苔生落盡櫻桃杏花
發輕舟歸去看春耕

三月五日為吳溥泉登窠石平遠并詩

地僻林深無過客松門元自不曾開展將一幅溪藤
滑寫得溪陰數點山

為原道題登

二月東風溪水綠幽林脩竹影參差杖藜日夕溪西
路魚鳥相娛只自知

題張以中畫

密雪初晴僧舍深地爐活火酒時斟張家公子清狂
甚胃冷看山意不禁

今日披圖感慨深與君對酒若為斟重居寺裏松杉
合劫火兵灰已不禁

吳采鷲像

誰見文蕭逐采鷲碧山蘿月五更寒猶遺鷲散軒中
迹留得風流後世看

用陳子貞韻題畫

山居乃在惠山東悟者方知色是空却坐西岩双樹
下玉笙雲裏度冷風

舟過梁溪

蕩棹清溪欲盡頭亂山出沒暮雲稠便當濯足即停
棹何處飛來双白鷗

宿義興先太初上人房

初公樓上雨蕭蕭楊柳垂烟隔岸搖何處舟人棹歌
發山長水遠望蘭橈

周將軍初隔水近岳鄂五庙亦東隣百年故事誰記
憶風雨清明愁殺人

雪中折枇杷花寄吳寅夫

雪中自折枇杷花寄城南慶士家明日雪晴定相
過兩株松下煮春茶

雪不止重寄

清夜焚香生遠心空齋對雪独鳴琴數日雪消寒已
過一壺花裏聽春禽

為吳慶士畫喬林礪石

山家日出無行踪雪樹烟蘿遠且重不見鹿眠盤石
上提壺自挂一長松

張外史素不善畫醉墨戲寫張洞奇石頗一種

逸韻德明裝潢成卷走筆為賦

書畫不論工与拙顏公米帖豈圖傳君看外史寓奇
石醉墨依稀似米顛

重送初上人參礼光公二首

西嶼欣逢初上人妙年藻思如春雲育王塔前礼佛
竟應脩白業益精勤

阿育王塔舍利存山氣無雪春冬温蓮花基近多羅
樹中有人談不二門

對雨遣懷

數日枇杷花落盡可怜春事到櫻桃聽風聽雨眠三
日排遣新愁付濁醪

寄友

二月江水青接天楊柳隔江搖綠烟一夜愁心似春
雪隨風舞影落君前

次韻題高房山畫卷

屋邊昨夜春風起蔣芽行葉生春水睡醒獨坐無人
声歷々青山水光裏

題趙榮祿楷痒馬圖次陳先生韻

韓幹真龍下筆肥銀鞍羅帕絡青絲春風碧野和烟
放誰見林間楷痒時

竹枝詞

會稽楊廉夫邀余同賦西湖竹枝歌余嘗莫春登
瀕湖諸山而眺覽見其浦瀆沁洳雲氣出沒慨然
有感于中欲托之音調以声其悲歎久未能成章
也日觀斯作為之心動言宣為詞凡八首皆道眼
前不求工也

錢王墓田松栢栢岳王祠堂在湖西西冷橋邊草春
綠飛來峯頭烏夜啼

湖邊女兒十五餘烏紗約髮淺粧梳却怪爺娘作麼
語能唱新声獨當爐

湖邊女兒紅衫粧不學羅敷春來寺學成飛燕春風
舞嫁與燕山遊冶郎

心許嫁郎不歸不及江潮不失期踏盡白蓮根無
藕打破蜘蛛網費絲

阿翁聞說國興亡記得錢王与岳王日暮狂風吹柳
折滿湖烟雨綠茫茫

春愁如雪不能消又見清明賣柳條傷心玉照堂前
月空照錢唐夜々潮

嗷々歸鴈度春江明月清波鴈影双化作斜行筆上
字長彈幽恨隔紗窓

辨髮女兒住湖邊能唱胡歌舞踏筵羅綺薰香回紇
語白氍毹頭如白烟

題雲林小景圖

赤城霞暎神芝秀洞裏桃花不記春何事却將山水
脚鍾陵市上踏紅塵

後數年復用韻題

憶昔舟歸雪浦濱松林瑶草欲生春開括逸筆南清
思今日披畝似隔塵

題畫

青山轟轟水舒舒相見郊原霽雨初絕侶三高亭上
望人家依約樹扶疎

題棘禽筠石畝送高霞還玄元館

烟雨蕭蕭墨未乾幽禽枝上語春寒玄元館裏多筠
石飯飽臨池自在看

寄德常別駕

長洲東去有僧居狂士來遊密雪初欲覓故人張別
駕清貧猶苦出無車

愛尔作官清海濱海濤嶺雪爛如銀已占疑表明年
喜漸有水橋富昔民

廩食精豐養士多村童野老亦謳歌可無振厲新科

格選試能平定不頗

題畫

樓閣參差霞綺開峯峦重複水縈迴赤欄橋外垂楊
下步月吹笙向此來

題陳仲美畫次張貞居韻

杜老茅堂倚石根往來西瀼與東屯一庭秋雨青
色自起鉤簾盡綠尊

斜日西風吹鬢絲披畝弄翰學兒嬉釣竿拂着珊瑚
樹張祐題詩我所師

連雨

三月兩聲連子月五湖舟楫住南湖春愁黯黯如中
酒捲地狂風撼不蘇

吳中

望中烟草古長洲不見當時麋鹿遊滿目越來溪上
水流將春夢過杭州

為塞原道題竹木畝

踈篁古木都成老石澗芙蓉亦有花排悶不瀆千日

酒聊將小筆畫龍蛇

九日登華氏溪亭

茱萸黃菊稍斑斑野水蒼烟草莽間送客歸來逢九

日華家亭上獨看山

寄曹都水

溪南山影碧蒼々水閣風林處々同周慶唐前新漲
瀾數声柔縵月明中

三月廿日題所寓屋壁

梓樹花開破屋東隣牆花信幾番風閉門睡過燕句
雨春事依々是夢中

隣牆桂花感開

扶疎桂樹隔隣牆時有飛花到石床起近南蒼看月
色不須更炷水沈香

六月五日偶成

坐看青苔欲上衣一池春水靄餘暉荒村盡日無車
馬時有殘雲伴鶴歸

題寂照蔣君遺像

幻形夢境是耶非縹緲風鬟雲霧衣一片松間秋月
色夜深惟有鶴來歸

梅花夜月耿冰魂江竹秋風洒淡痕天外飛鷺惟見
影忍教埋玉在荒村

君姓蔣氏諱圓明字寐照暨陽人也年二十一歸

于我勤儉睦雍鄉里稱其孝敬歲癸巳奉姑挈家

避地江渚又一年不事膏沐游心恬淡時年四十

有七矣如是者十一年癸卯九月十五日微示疾

十八日清晨脩然而逝甲辰正月廿四日題

正月廿六日設題

柳雲汀樹晚離々飲罷人歸野渡遲睡起香銷金鶴
尾猶聽味雨打窓時

二月十五日而作

風軒紅杏散餘霞煖革青々桃欲花寒食清明看又
近淞川烟雨乱鳴銜

雅宜山詩

雅宜山舊名娜如山蓋虞道園所命名然未若娜
如之名近古也施君宜之先隴在其處索余賦詩

因為竹枝歌二首遺之以復其舊焉

娜如山頭松栢青閨閣城外短長亭來山未久入城
去駐馬回看雲錦屏

娜如山頭日欲西採香迳裏竹鷄啼南朝千古繁華
地瘠鹿蒿菜望眼迷

送徐仲清還毘陵

昔年守義抗天兵季子遺風尚足徵牧守荒淫嗟未
代荒墟榛棘竟誰懲

有道揚公此駐車遺言百世惑能祛道鄉忠義埋黃壤牛斗龍光尚燁如

六月一日吉祥庵題

僧夏安居我息機清風日為掃柴扉身形已似松梢鶴還有悲歌續令威

二日又題

隨宜喧寂了殘生飯飽悠々曳屣行日落吳松半江影莫將欣厭惱閑情

十三日雨窓排悶

俗患不侵忍辱鎚道力可勝納華兵明月無心含萬象浮雲初不汚圓澄

雨声蕭瑟似秋塘淡泊紅蕖滿意香火宅任渠生熱惱汪々法海自清涼

十六日雨晴

道畔豈患粥材罄德獵何憂肉食無底事甘食希厚味曲肱飲水色敷腴

七月二十八日過丘氏林居秋風騷々燕至暮

大作終夜不息因成小詩

西風楊柳暮騷々零落紅雲起怒濤坐看荷花掃落盡倚窓孤咏楚天高

松陵一首

松陵原上望長洲綠玉平鋪江水流好取釀為千日酒大瓢酌月散煩憂

二月六日南園四首

柳細草汀洲併是春
正月已開烟雨寒泊舟東渚聽風湍山長水遠鳥飛急不是離人也鼻酸

春月寒逾臘月寒盲風怪雨泊江干工自不為人料一種春光有幾般

有子政如無子同異居邈若馬牛風人間何物為真實身世悠々泡影中

秋容軒

乍見芙蓉開滿樹更憐楊柳綠含風秋容好處無人會都在深濛烟雨中

碧花翠萼引牽牛蒼竹黃葵意更幽不用田疇三日雨已輸權租十分秋

雲壁故危四五峯杖屨細弱未成簪種籬西面雲千畝牛背時聞一笛風

村決根本妙蓮華供佛燒香汲井花独有橋東白石

史依然傾酒食蝦鱗

松雪馬齒為原道題

渥注龍種思翻。來自元貞大德年。今日鷗波遺墨
在展圖題味一悽然

題墨堂

落盡幽花出一枝。愛宜芳草近清池。水仙唯教麝齋
趙夏卉芳妍尔更奇

二月十九日夜風雨凄然南渚旅寓篝灯与端
叔共坐因念兵戈滿地深動故山之思遂賦

春雨春風滿眼花。夢中千里客還家。白鷗飛去江波
綠誰採西園寂雨添

題曹雲西畫

吳松江水碧於藍。怪石喬柯在渚南。鼓枻長吟採蘋
去新晴風日更清酣

鷺次韻題

泛雪翻雲未足佳。樓浮喚行戲江沙。舉群此日龍歸
去識得能書内史家

草青莎軟暮烟和。點綴春江愛白鷺。不似貪饕誇
厭飲萬錢日食未嫌多

真迹黃庭世所珍。臨當時聊漫送鷺群。寧知雪後攻城

者使乱軍声用進軍

雜賦絕句

恢公妙得華光法。月影縱橫白尚玄。留取禪門三昧
法松滋楮韻過年

空江水冷珮珊。去國千年始一還。身似吹笙王子
晋夜騎白鶴過緱山

一色清江四面同。樓居如在畫圖中。主人欲刻皆山
記須得環滁老醉翁

曾傍江流築釣磯。朱門華屋事都非。身如玉謝堂前
燕歲。猶過白板扉

痛飲酣歌未足狂。有岐何處覓亡羊。芥羹木煎茅君
酒更醉人間一萬場

贈通上人

惠遠深心白蓮社。湯休麗句碧雲篇。熾摩不憚香灯
供。般若仍通文字禪

雨後春池芹細。月明寒渚竹娟。東林門外聞鐘
近。只有陶公妙入玄

題畫竹

本朝盛竹高趙李。慙愧後來無寸長。下筆能形蕭散
趣。要須曾次有篔簹

題李光祿墨竹

雲氣條々青鳳翎
湘江欵瑟倩相靈
壁張此畫驚奇絕
醉倒茅君双玉瓶

題宋仲温竹枝

畫竹清修數宋君
春風春雨洗黃塵
小窓夜月留清影
想見虛心不俗人

卷陳謝二冬軍王長史

世故紛紛自糾纏
南山脩竹老風烟
陳公遠抱政如此
清影蕭蕭月滿川

謝公好義今猶初
不可親襲不能踈
松陵父老猶德爾
援溺功多自不居

經年不見王內史
秋夜有懷如此何
澄不為清梳不濁
汪々万頃玉湖波

蕭々短髮不須冠
何處繫舟雲水寬
西塞山前夕陽裏
青芙蓉墮水精盤

百年苦樂孰深知
何可旬月無我詩
過渠推罵与爭席
不癢鴛鴦巢一枝

題畫与強仲端

日暮移舟何處泊
強家亭子水西頭
惠山只在細簾外
雨後幽泉想乱流

題靈岩寺壁

我到靈岩古寺中
雲烟樓閣鬱重重
今朝醉倒山前石
留取綸巾挂偃松

船中

野水荒寒寂寞濱
萋萋芳草也知春
五湖雲浪浮天白
好道輕鷗狎隱淪

題墨竹

燈下蕭々玉一枝
吳松欲雪暮寒時
憑君為把青鸞尾
大掃陰雲息怨咨

為德常馮竹枝

張公宅裏挑灯話
對影依々夢寐同
坐到夜深喧境寂
庭前踈竹起秋風

拜石圖為王文靜題

米顛嗜古命宜輕
玄寶厓珞禍患并
鹽沐閱書私太尉
可伶諂佞小人情

清文絕俗盛名譽
不記坡翁安拔初
得筆無如蔡元度
却言蘇軾劣於書

畫竹与張元實

籊籊中歲得麟兒
恣點双瞳玉作顛
可惜空齋無楮穎
為拈秃筆掃風枝

寄張德常

聞道淮安之任去，尊君今住板橋家。未城又數吳松
松好過，吾磯弄釣車。

吳仲圭山水

道人家住梅花村，窓下松醪滿石尊。醉後揮毫寫山
色，嵐霏雲氣淡無痕。

題畫贈崔子文

性癖居幽每起遲，一來溪口竟淒迷。林亭曉色蒼茫
裏，自送風帆過水西。

睡起

睡起晴雲滿澗阿，牛羊日夕下南坡。浮生富貴真無
用，政似紛紛蟻一柯。

戲贈大雲

不問羊車與鹿車，無三無二一乘耶。何勞管歎并言
說，心悟方能轉法華。

題畫竹

娟娟風枝墨未乾，美人湘水逐篁簷。恍然一枕遊仙
夢，清影縱橫山月寒。

王叔明畫

筆精墨妙王右軍，澄懷卧遊宗少文。王侯筆力能扛

鼎五百年來無此君

因廬山甫便寄曹德

使者停車溪水西，借栽綠竹傲幽棲。玉川野客尋津
去，悵望孤帆意轉迷。

李伯時畫

飛仙遊騎龍眠畫，魚得形模也自奇。曲曲真人親鑿
空，不須言下更題詩。

畫竹

蟠虬舞鳳寒雲冷，挾以明蟾光炯炯。世人只解說洋
州小坡筆力能扛鼎。

商學士書次張外史韻

独棹扁舟引興長，疎林遠岫見微茫。商侯畫筆張仙
句，可比豐城寶劍光。

贈金懶翁製爪萬

聞君有漏與無漏，木杓爪萬都一般。欲覓懶翁安樂
法，無生話子說團栾。

環綠軒

環綠軒中古逸民，瑟琴圖史硯為隣。欲知此地多生
意，試看窓前草色新。

題畫贈原道

雪後園林梅已花西風吹起鷹行斜溪山寂々無人
迹好問林逋處士家

與錢伯行宿栖雲堂

小龍江上栖雲室望見石湖々盡山來與錢翁住三
日白雲妍暖滿中間

人以秋毫軒輕我々心澹然如碧淵何期失脚墮塵
網談笑區中飽世緣

人我共三首

醉中了々夢中醒好語狂言不用聽莫起黑風飄鬼
國長教明月照中庭

為仲章寫竹石

沈君好古嗜尤淡奇石幽篁心所欣為寫雲林齋下
景月明春露濕衣巾

次張師道韻

我愛張君真樂易樵談農語接惟飲每思灵石山前
住六尺藤床一幅巾

題畫

南望銅官曉色新三株松下茅亭何當濯足臨前
湖坐石開書相鶴經

坦腹江亭枕東書澄清江水自空虛脩篁古木悠々

思何處青山可卜居

怪石足當米老拜脩竹定是王猷栽磊落瓊瑰雨洗
出團栾清影月移來

怪石兩餘苔蘚滋月明鷺尾影參差春風忽過庭前
樹會見清陰覆墨池

柯舟丘梅竹

竹裏梅花淡泊香暎空流水斷人腸春風夜月無踪
迹化鶴誰教返故鄉

用潘子素韻題柯敬仲墨竹

古木幽篁春淡々斜風細雨石蒼々何人識得黃花
老弄翰同歸衫墨囊

吳松江水似荆溪只欠山光落酒危古木幽篁無限
思西風吹髮影絲々

題畫

琅玕節下起秋風寒葉蕭々烟雨中贈子仙壇翠鷺
帚杏林春掃落花紅

逸筆縱橫意到成燒香弄翰了餘生窓前竹樹休苔
石寒雨蕭條待晚晴

野店枯槎何處園千花羞澁不成妍竹枝嫻々春石
惡山看歸鴻水拍天

落々長松生夏寒
莓苔搏散共盤桓
王謝家庭多玉樹
依然猶是晋衣冠

雨後池塘竹色新
釣簾翠霧濕衣巾
為君寓出團樂
影喜比他鄉見似人

斑々石上薛紋新
陰落先生烏角巾
中戶得兩枝初雨
後可憐清興屬幽人

為寓新梢十丈長
空庭落月影蒼々
王君曾冷冰霜
稟剪燭談詩夜未央

舟過松陵甫里邊
幽篁古木尚蒼然
何人得似王徵士
靜看輕鷗渚際眠

逢着鄉人朱伯亮
朱絃披拂共南薰
研池雨過添新漲
特為濡豪寫墨君

右臨青嶂左澄江
未覺羲皇遠北窓
安得茅君酒斟酌
幽人許致玉瓶雙

喬木叢篁倚蒼石
故家遺業總成灰
二喬憶嫁周公瑾
尚有枝孫氣不來

寄陸鍊師

忽憶南湖陸鍊師
若為湖上位多時
明朝擬望仙帆
至好買松鱖作膾絲

寄張處士

江邊楊柳綠絲烟
影落清波万里天
處士時々驚曉夢
門前推鼓發漁船

題幽篁古木畵為文靜徵君賦
環慶堂前翠竹多
雨吾侵石樹交柯
不遊罨畫溪頭路
奈此春宵月色何

題李遵道枯木竹石
我識黃品李使君
墨池詞氣靄如雲
莫言但得丹青譽
曾有人書白練裙

寄人
無室無家老更顛
草衣木食度年年
開春若問桃花宿
先到俞君舊宅前

題畫竹贈西溪處士
雪葉霜枝耐歲櫛
風沐雨不成歡
百年強健且行樂
留取清溪作釣竿

贈曹德昭
谷口桐林落絳霞
仙帆初泊野人家
蕭閒館裏青苔合
看到塔前芍藥花

題畫贈單君
單君子達荆溪住
不到荆溪已十秋
古木幽篁蒼石路
每經行處思悠悠

題畫贈單君

題畫贈單君

贈沈掾

蕭蕭白髮沈休文問金求田江水濱此夕一杯成醖
酌淋漓醉墨氣如雲

寄王簿

客愁醉似未招魂老去情慊孰與論詩寄句容王主
簿憶浚白壁達天門

太白嘗過金陵泝流過白壁山說月達天門賦詩

寄句容王主簿

順逆

順逆推移莫愛嗔白雲終不染緇塵世情如火心如
水屋裏須教有主人

次韻題黃子久畫

白鷗飛度碧山明思入雲松茅幾層能畫大痴黃老
子與人無愛亦無憎

烟鶴軒二首

烟鶴軒前枕石眠一声清唳落江烟攬衣起望行雲
急遠思憑虛忽欲仙

楓落吳江雲雨空憂然鳴鶴紫烟中坐看雪影橫江
去明滅寒流夕照紅

林宗道新闢小軒南望平蕪烟樹眇然有千里之

意曰名之曰烟鶴蓋取韋刺史遠水烟鶴唳詩語
為賦二小詩著軒中

贈張德常

老疾吟哦張判官僦居江海覺心寬好乘黃鶴風埃
表萬里雲霄一羽翰

醒齋疲篤飲斃餘鞭苔帶汗駕鹽車騏驎已老終起
逸不受金羈去玉除

客舍詠牽牛花

小盤承露淨鉛華玉雪依稀染碧霞弱質幽姿娛我
老傍人籬落夢秋花

調玄度

江渚荷花落日紅盈簷欄檻納涼風何人得似張公
子詩在烟波眺望中

清明後題

野棠花落又清明楊柳青二人耦耕春物闌珊成底
事半江疎雨暮潮平

再用前韻呈錢思復

日斷青山白鳥明姑蘇城下有人耕越來溪水流遺
恨嗚咽聲中似不平

再用韻

春泥滑々暮霞明
苔滿石田那可耕
眼底絲毫筆詩可
畫骨中萃雀酒能平

雀盈軒西芳藥欲紅
笑戲成絕句奉呈雪林隱
君求折二枝

塔前紅藥無人摘
彩翠籠烟溪水南
為折一枝和瑞
露小窓危酒咏春酣

聞鴉鵲

林影曠：鴉鵲聲
歐陽詩句最關情
益蒼空
燭朝儀
早歌枕船窓憶太平

四月七日雨

水宿風行冬溪春
汀花汀草思紛紛
泊舟無賴終宵
雨夢入蒼梧萬里雲

追和蘇文忠墨蹟卷中詩韻八首

脉々遠山螺翠橫
盈：秋水眼波明
西北風帆江路
永片雲不度若為情

兩挾江潮來浦口
霜凋木葉見山尖
寒波曹照飛鴻
影鬢雪朝：占恨添

風雨翻江夢裏驚
忽思風駛終宵翎
世間那得麻姑
爪痒處
爬搔憶蔡經

湖邊窓戶倚青紅
此日應非舊日同
太守與賓行樂

地斷碑荒蘇卧秋風
奎章閣下掌經綸
清淺蓬萊又幾春
三十六宮秋寂

寂金盤冷露泣仙人

蔡公閩嶠雙龍壁
蘇子儋州萬里船
何似歸田虞閣

老醉吟清浦月娟

嗜酒狂吟秃髮翁
華陽壇館百花風
晚年傳得登真

訣歸卧南山澗谷中

窓裏晚山眉翠重
汀前秋水眼波明
白鷗飛處循歸

路眇々新愁故國情

別陸氏女

去住情悰兩可哀
天公與我已安排
前途恐有寬闊

地未信狂夫事々乖

題畫

海鷗何事更相疑
野老如今久息機
旅泊一蓬南渚
上雲濤烟樹影依微

六月九日過以中野亭賦

豆苗引蔓已過簷
荇葉團々莢葉尖
野亭中間坐至

晚窓前竹影月纖々

雨後

兩後空林生白烟
山中處々有流泉
因尋陸羽幽棲

履獨聽鐘声思惘然

題畫贈王允同二首

湛々綠波春雨裏始々翠竹晚風前此中若得玄真

子一棹夷猶獨醉眠

桐露軒前月滿窓竹聲樹影落春江青苔石逕無人

迹坐待歸來白鶴双

江上

石侵春雨林間蘚竹帶沙汀日暮烟江上清陰隨月

落船頭白鳥傍人眠

二王遊騎苗

每憶開元全盛時五王遊騎日追隨鶴鴿原上雙兄

弟挾彈荒郊想鳳池

謝筆

陶丞思渴待陳玄對楷先生意未宣何似中書二君

至明窓脫帽一欣然

聞竹枝歌因効其声

鍾山湖影接松江橋葉青々柿葉黃要寫新詩寄晉

信西風斷鷹不成行

江流不住楚山青船到潯陽幾日程不忍寄將双淚

去門前潮落又潮生

高尚書畫竹

石室風流繼老蘇黃華父子亦敷腴吳興筆法鍾山

裔只有高髯不讓渠

看花仕女圖

畫圖常識春風面雲霧衣裳楚々裁為問人間春美

許石欄西畔牡丹開

剖瓜士女圖

月弯削破翠團々六月人間風露寒誰覓東陵故侯

去但知華屋薦金盤

王都事家聽周子奇吹笙

隔水吹笙引鳳鳴十三聲外柳風清風流自有王子

晋留取清樽吸月明

趙魏公蘭

天上宣和落墨花吳齋松雪擅名家遙看蒼雲山如

玉雪後春風自茁芽

管夫人畫竹

夫人香骨為黃土紙上蕭々墨色新悽斷鷗波亭子

上鏡臺驚影暗凝塵

樹石小景

嘉樹幽篁湖石隈當年曾此好懷開如今寂寞空山

裏誰復絨情折野梅

墨梅

幽蘭芳蕙相伯仲江梅山礬難弟兄室裏上人初定
起靜看明月寫敷榮

題雜畫

白雲孤鶴莫知還船泊錢塘看越山珍重今朝重展
卷吟詩作賦北窓間

新柳春柯未若鴉短籬茅屋野僧家放舟不怕歸程
晚白水田畦已有蛙

小坡曾寓鷄栖石猶在荆溪山寺中樂欲規摹渾忘
却可伶零落陸秋風

松瀑飛流到枕邊道人清坐不須弦王君筆力能托
鼎用意何曾讓鄭虔

庭樹霜黃尚有陰午窓危坐自鳴琴問誰得似沈夫
子北牖羲皇見此心

題畫

荷葉田田柳弄陰菰蒲短々逕苔深鳥飛魚躍皆天
趣靜裏游觀一賞心

一代舒王不數人曾哦雪竹与霜筠雲林野思幽
夢睡起濡豪一寫真

寄人

楊柳春風未放黃晴天孤鷹不成行忽思小謝生幽
夢芳草池塘路亦荒

懷呂君

三年不見呂高士清夜時々夢見之安得長風生羽
狀与君濯髮向咸池

寄人

秋光明可截并刀一隼橫空厲羽毛猶憶南汀繫手
屢斷雲殘日下亭臯

烟雨

烟雨空濛遠樹齊人家樹底自成蹊只應三月吳松
尾渚際維舟聽竹鷄

仲穆馬圖

花門舊進青驄馬天水王孫兒得真溪上猶遺光祿
宅海寧何以久風塵

墨水仙

宋諸王孫釋大雲清詩多為雪精神誰言一點金壺
墨解寄湘江萬里春

絕句

要識清虛甘寂寞何如快活地中山千岩万壑松窓

裏爛醉吟我石上眠
騰起晴雲滿湖阿牛羊向夕下平坡浮雲富貴真何
用政似絲絲蟻一柯

十月

十月江南未墮霜青楓欲赤碧梧黃停橈坐對西山
晚新薦題書已著行

贈玄容

枯柳疎條樞鳥稀歸人稚子候簷扉政如十月江南
岸落日西山翠影微

松澗笛

青松磴底結淒陰老大還無用世心張洞西偏煮藥
竈山靈虛閉白雲深

寄友生

周君讀書離墨山卜中卧者白雲閒翻然遂逐雲歸
去松下草堂深閑閑

題陳惟允畫

韓公曾聽穎師琴山水蕭條太古音不作王門操瑟
立溪山高隱竟何心

春雨

春雨蕭條獨掩扉庭柯暹篠碧依依莫思南渚停舟

虞烟柳垂陰滿釣磯

寄王叔明

野飯魚羹何處無不將身作僚官奴陶朱范蠡逃名
姓那似烟波一釣徒

寄韓伯清

何處田廬業可租金堂玉室夢全無為謀蔬蕪樵漁
地好在何山碧落湖

題趙承旨墨竹用張外史韻

籊籊生銷寫竹竿愁看春雨滿空壇風流誰識當時
意萬里鷗波烟景寒

晚照軒偶題

南湖春水碧於天夢作沙鷗狎釣船綠樹拂簷風雨
急覺來依舊北窓眠

簷前幽鳥自相呼池上紅蕖暎綠蒲五月夜涼如八
月一窓風雨夢南湖

醉後贈張德機

允同日夕能求畫斬酒巖茶更惜香獨有館中張博
士誇余弄翰不尋常

博士今宵不用誇竹枝楊花並風斜莫煩更把官奴
燭且与狂吟野老家

西家飲酒不盡歡東家燈下坐團奕我儂自有一壺

酒不怕先生酒量寬

空折花枝挿滿盆清吟清坐想盤飧主人欲勸松肪

醜誤道糟床尚苦渾

誰醒宜城竹葉春竹枝空畫損精神詩成不壓乾喉

吻誰道傷多酒入唇

贈信

清流堂上無塵事奇石脩篁暎枕書長日粥魚齋鼓

罷竹窓虛癖坐如

題張元播扇

聽雨樓中也自涼閑停筆硯靜焚香君來為煮稽山

茗自洗冰甌仔細嘗

題畫

湖水清空好放船青山依約白鷗邊忽思周處祠前

路古木荒烟一惘然

畫竹贈申孝學

吳松江水似清湘烟雨孤篷道路長寫出無声斷腸

句鷓鴣啼處竹蒼々

阿儂渡江畏風波聽渠声唱竹枝歌淇園青々洪水
綠不似瀟湘烟雨多

青山

夕陽渡口見青山誰識其中有此關我本為樵北山

北賣薪持斧到人間

原上人

上人住近西山麓左右泉声喬木深拄杖逍遙扣門

去臨池濡墨寫春陰

林亭曉色圖題贈西溪處士

性僻居幽起每屋一未溪口意凄迷林亭曉色蒼茫

外日送征帆過水西

題木石贈丘志

古木幽篁丘氏宅江波落日妙蓮庄泊舟風雨留三

月卧看鳧鷖十里塘

贈伯清

市上休疑張伯清藥無二價制顏齡何當掃雪居幽

谷与我松根採茯苓

竹枝詞題畫竹上二首

阿儂渡江畏風波浪望渠江上竹枝誦淇園青々洪水

綠不似瀟湘春雨多

吳松江水似清湘烟雨孤篷道路長寫出無声斷腸
句竹雞啼處竹蒼々

題畫

長江秋色渺無邊鴻雁來時水拍天七十二灣明月
夜荻花楓葉覆漁船

偶成

紫燕低飛不動塵黃鸝嬌小未勝春東風綠遍門前
草暮雨寒烟愁殺人

荆溪秋色苗為卜震亨題

畫畫溪頭秋水明上人逸筆思縱橫雲山多少玄暉
句不道毫端畧得成

為潘仁仲寓梧竹草亭

翠竹蕭蕭倚碧梧一亭聊以賦閑居浮杯樂飲思潘
岳藻思春江濯錦如

羔羊一首

羔羊跪乳猶有別林鳥返哺能無遠彼我微物具至
理感尔太息淚沾衣

巳酉元日題徐氏南園壁

九日塵汚一日清南園池水濯冠纓早燕雀難論
大自展培風九萬程

六日題

寄居丘氏小偷閑盡室逃亡夜向關縣吏捉人空里

卷擊家如出鬼門關

韋羌草堂齒

韋羌山中草堂靜白日讀書還打眠買船欲歸不可
去飛鴻渺碧雲邊

題考貞屋壁

王子五月廿七日呂君隱所余又來輕舟短棹向何
處只傍清波不染埃

絕句

枕幃柳席使安舒借我飛裙意有餘更借裙拖三百
日高秋還子佳書

題畫次韻

羲獻才情似水清暑窓葵扇与桃笙中州父子黃華
老信是前賢畏後生

中州人物獨黃華父子詩畫逸出繩表之表為可
尚也觀滄游此卷筆意蕭然有蒼天啓風流蓋高

尚書之所祖述而能水寒於水者與卷後有歐陽
承旨所賦詩不揆因次第其韻丙午六月晦日

偶寓姚城江上村木如蛟舞石如鼉清風明月許元
度為余傾倒綠波軒

後二十三年為成申歲元度張君得此持以示僕

披卷如夢寐問也因接筆次外史詩韻詩已為之
泫然外史已仙去張榮祿鑑禪師不見數十年存
亡不能知尤令人悽斷也九月十一日題

正月八日宿禪悅僧舍題趙榮祿馬圖

山僧院裏無塵事夜雨灯前與不孤寒：說竟無生
話更覽王孫駿馬圖

畫贈王生

白沙岸下幽人宅翠竹林中賣酒家好事江干王處
士咨來為黍酒仍賒

題畫

笠澤依稀雪意寒澄懷軒裏酒杯乾篝灯染筆三更
後遠岫疎林亦耐看

題畫贈盧山甫

盧君絕似米顛子品畫評詩也自佳我畫亦憎有汗
汚手為菜緝挂高齋

白石先生古貌古心輕財而重義寔生于吾後
之師令人晤寐不能忘但幽居默如潛逃則殊
令人憤：耳昨暮辱醉中詞翰讀之洒然也因

次韻希一嘆

深感分嘗酒數嬰酷難聞勝駢羨轟：烈：男兒

事莫使磨拖過此生
空宇寒：秋燕棠咲談誰与共遊遊南隣雖有幽貞
士默：深潛如避逃

柯丹立梅竹

山川搖落夜浸：老木幽篁巧耐寒畫裏陳侯有佳
句皎如明月映琅玕

絕句

七月三日快哉風野亭不厭酒杯空况有梅前沈腰
瘦何妨醉倒回家翁

密雪時晴照日初東窓竹影寫扶疎也知江者張高
士袖被敷：偃仰餘

七月九日一杯酒吾友王君將遠遊况有呂佳張處
士消搖江沙狎輕鷗

題畫

絕憶丹陽蔡天啓秋林淡墨意縱橫陳君筆力能扛
鼎可見前賢畏後生
湖水清空好放船青山依約白鷗邊忽思周處祠前
路古木荒烟一惘然

松雪馬圖

日寫天開八尺龍鵬波濡墨水晶宮紛：世俗爭模

做兒子門生亦禿翁

贈潘仁仲

良相良醫意活人得仁要亦在求仁能調脾胃心肝
腎不出酸鹹甘苦辛

題登竹

三家市上沽村酒夜夜明燈初自置官奴把烛裁而
無幽篁亂寓非風柳

倪雲林先生詩集附錄

雜著

鶴溪先生畫像贊

家庭教子佩學詩學禮之言岩穴置身有憂國憂民
之色是知克仁而壽能文而德也

趙士瞻小像贊

處乎寂寞之濱乃有悅豫之色將儒於列仙羣於山
澤我知之矣豈登山臨水以忘歸貧賤不足為其憂
富貴不足為其懽者非耶

陳天倪處士畫像贊

其介特孤峭非松瀑之場而能然欤其好學能文蓋
嘗遊遊於草廬樞樞衡門之下鼓琴動操之間今衆
山響与之俱童冠風零以間咏遠乎莫春之初

王季野畫像贊

粹然春溫者猶有若翁素履之德容也凜乎秋清者
得乎相索楚騷之遺風也与时上下人莫知其存
乎中也匪以吾義吾將焉從也喬木鶯鳴雲山鶴飛
輕薄紛：吾何是非登山臨水聊消搖以忘歸

良常張先生畫像贊

誦詩讀書佩先師之格言登山臨水得曠士之樂全

非仕非隱其幾其天雲不雨而常潤玉雖工而匪鑄其據於儒依於老逃於禪者欵

錢唐王生思善畫德常時年四十二矣東海倪生贊之曰云々德常高情虛衷意度閑雅顧非顧長康之丘壑置身曹將軍之凌烟潤色又那緣得其氣韻耶王生孟亦見其善者幾耳今日因過德常草堂出此南求贊且欲作樹石其旁乃先綴數語像上樹石俟它日補為之

謝仲野詩序

詩亡而為騷至漢為五言吟咏得性情之正者其惟淵明乎葦柳沖淡蕭散皆得陶之旨趣下此則王摩詰矣何則富麗窮苦之詞易工幽深閑遠之語難造至若李杜韓蘇固已烜赫焜煌出入今古踰前而絕後校其情性有正始之遺風則間然矣延陵謝君仲野居乱世而有怡愉之色隱居教授以樂其志家無瓶粟歌詩不為愁苦無聊之言染翰吐詞必以陶常為准則已西春勢所賦詩百首示余於空谷無足音之地余為詠咏永日飯瓦釜之粥糜曝茅簷之初日怡然不知有甲兵之塵形骸之累也余疑仲野為有道者非歛其得於義熙者多矣

陳惟寅僦屋疏

陳惟寅甫與弟惟允開居養親極隱吳市不恥貧賤不樂仕進熙怡恬淡與物無涉雖過朱門如遊蓬戶也世本蜀人其大父居五老峯下父天倪先生因遊吳愛錫麓洞有好流水家于惠山之陽久之有少日同舍生趙漫事招往館于其家遂復留吳市焉兵後栖居無定居江右同邑人饒介之為之僦屋使得以安菽水之奉而僦屋之資則非一人所办饒君素清苦又不欲以外事累人也僕遂為之一言世豈無急人之急愛人之憂解衣推食指廩借宅豪傑個儻如古之人者哉老杜所謂安得大厦千萬間大庇天下寒士俱歡顏者請為諸君誦之至正壬寅十二月九日倪瓚言

題良常草堂疏 指捨趙榮祿正書一卷

昔王錄事寄少陵之資近代趙文敏于岳氏之助皆有实效不事虛文今德常欲構草堂所求者柯張杜三君或宿諾而寒盟或解嘲以調笑遠求其實則罔所知數年之間三君已矣草堂適成載覽標題重增嗟悼捐子所秘永鎮新居

題畫

正至辛丑十二月廿四日德常明公自吳城將還嘉
定道出甫里披衿相就語俯仰十霜恍若隔世為留
信宿夜闌更秉燭相對如夢寐者甚似為僕發也
明日微雪作寒戶無米迹獨與明公道逕諸際隔江
遙望天平靈岩諸山在荒烟遠霧中濃纖出沒依約
如畫渚上疎林枯柳似我容髮蕭々可憐生不能滿
百其所以異於草木者猶情好耳年逾五十日覺死
生忙能不為之撫曰事而縱遠情乎明公渡命畫江
濱寂寞之意并書相與乖離感慨之情悼々德常今
為嘉定同知於民有惠政即昔日之良常山人也朱
陽館主蕭開仙仰倪瓚言

懶遊窩記

昔司馬子長遊涉万里壯麗奇偉之觀前賢往聖之
迹有以泄其懷古感今憤懣鬱律之氣史記之言既
成歲之名山以俟後聖君子也宗少文壯歲好遊晚
以所歷名山盡畫屋壁曰老疾俱至名山恐難遍觀
唯澄懷觀道卧以遊之子長雄奇之文少文神妙之
畫善而猶有待又烏覩神馬車輪与造物遊鴻濛之
外者哉若夫登化人之居遊華胥之國是皆神遇豈
復有待乎金君安素高卧林居慕楊許得尸解上道

乃怡神葆和內視密盼煥標霞之孤映朗性月之獨
照因名其齋居懶遊焉噫尸居而龍見不出戶知天
下善行無轍迹蓋神遊無方非拘々局於區域逐々
困於車塵馬足之間安素仙乎道矣王方平嘗与麻
姑言比不來人間五百年蓬萊作清淺流海中行淺
揚塵耳熟邯鄲之黃梁歸華表之白鶴人間紛々如
絮時一飛神遊眇吾固知安素不与悠々世人同一
悲慨也

書畫竹

以中每愛余畫竹余之竹即以瀉胸中逸氣耳豈淺
較其似与非葉之繁与疎枝之斜与直或或塗抹久
之它人視以為麻為若僕亦不能強辨為竹真偽奈
賢者何但不知以中視為何物耳

致環慶王氏兩歲趙榮祿六帖

右趙榮祿与覺軒先生手簡共六紙有以知交誼之
深家世之舊也先生學行純正為宋琅琊王仲寶之
後任至蘭溪州判官今獲觀於其孫光大之異齋老
成典刑不可沒見矣尚賴翰墨文章有以想其風流
哉庚子二月十日倪瓚題

忠靖王廟迎享送神詩有序

至順元年春吳楚荐飢天灾流行連數郡道殣相望
 沴氣薰蒸為瘴為札錫之民咸被漸染大小惴惴無
 所請命邦之遺老相与言吾邦西山之陽有嶽祠
 有明神焉曰忠靖王昨歲東平生能奮忘死有遺烈
 赫声耀靈福我錫民自有年矣在昔季宋大疫用禱
 于神爰洽為祥德載歌咏民病亟矣宜浚故事乃合
 群謀顯衆感卒送祠下鏡鼓鏜鉉旗纛燄雷導驂駕
 以臨城南香雲漲空羣稚奔走衆心惟誠祈祀惟謹
 惟神顧歆來格來享若沐神水若濯冷風毆攘妖氛
 民疾用瘳丕焯神化無遠弗暨隣邑之民析者踵接
 環甸吳四封所活幾萬人焉是神有大造於吾民也
 札神能禦大雷捍大患者則祀之矧威烈若此是宜
 尸祝而社稷之曰祠焜于火未與民更興復其制瓚
 嘗以毋病致禱立愈因作迎享送神詩二章刻諸山
 阿俾錫以祀之辭曰

靈皇兮岱宗神之來兮駕蜚龍赫蒼頡兮朱斐如
 火鈞羽衛兮岳祇嶻嶭青霓旂兮白容裳降大荒兮
 故不祥敗野仲兮逐游光惠我民兮神樂康羅帳兮
 雲煙湛寒泉兮瑟蘭夕舞偃蹇兮歛去是薦芳馨子

神享之靈娛兮柰何樹索檀兮山之阿阻斯

福斯出沐神休兮千萬古

神之去兮騷雲鵠風刺兮吹靈旗况臨風兮延佇悵

神存兮難駐神游兮翩一氣子周八埏朝騰駕

兮西神夕弭節兮東魯噫神往兮莫我顧民有願兮

載福斯祐折瓊華兮遲神歸歲歲兮神宇我達石

英兮流水壽我民兮報祀無已

樂府

清平樂在荆溪作

汀烟溪樹捲是傷心處望斷溪流東北注夢逐孤雲
歸去山花野鳥初春漁郎樵叟南洋誰識推頽老子
醉人推罵逆嗔

凭欄人贈吳國良

客有吳郎吹洞簫明月沉江春霧曉湘靈不可招水
雲中環珮搖

人月圓

傷心莫問前朝事重上越王臺鷓鴣啼處東風草綠
殘照花開悵然孤嘯青山故國喬木蒼苔當時明月
依素影何處飛來

又

驚回一枕當年夢漁唱起南洋畫屏雲嶂池塘春草
無限消魂山家應在梧桐覆井楊柳蔽門闌身空老
孤蓬聽雨灯火江村

太常引傷逝

門前楊柳密歲歲鴉春事到桐華敲火試新茶想月珮
雲衣故家首生而館塵梁錦瑟窸窣曉鳴蛙芳草際
天涯錯相春暉夢華

殿前歡

搗啼紅杏花消息兩聲中十年一覺揚州夢春水如
空鷹波寒寫去踪離愁重南浦行雲送冰紅玉柱彈
怨東風

水仙子

東風花外小紅樓南浦山橫眉黛愁春寒不管花枝
瘦無情水自流蒼間燕語嬌柔驚回幽夢難尋日逆
落日簾鈎

吹簫聲斷更登樓獨自凭欄獨自愁斜陽綠慘紅消
瘦長江日際流百般嬌千種溫柔金縷曲新聲低按
碧油車名園共遊絳綃裙羅襪如鈎

折桂令擬張鳴善

草茫茫秦漢陵闕世代興亡却便似月影圓缺山人
家堆棗園書當窓松桂洲地微蕨侯門深何須刺謁
白雲自可怡悅到如今世事難說天地間不見一個
英雄不見一個豪傑

又辛女過陸左

片帆輕水遠山長鴻鴈將來蕭瑟初黃碧海鯨鯨
蒼翡翠風露此央問音信何人帶當想情懷日風
光楊柳池塘隨處凋零無限思量

水仙子因觀花間集作

香腮玉膩髮綽輕翡翠釵梁碧燕橫新粧懶步紅芳
送小重山空畫屏綉簾風暖春醒烟草粘飛絮珠絲
眉落矣無限傷情

江城子感四

窓前翠影濕芭蕉雨蕭蕭：思無聊夢入故園山水碧
迤：依舊當年行樂地香迳香綠苔饒沉香火底坐
吹簫憶妓燒想風標同步芙蓉花畔赤欄橋濕唱一
聲驚夢覺無覓處不堪招

柳梢青贈妓小瑤英

樓上玉笙吹徹白露冷飛瓊珮珠黛淺含顰香殘袖
夢子規啼月楊州往事荒涼有多少愁帶思結燕語
空梁鷓鴣盟寒渚畫闌飄雪

南鄉子東林橋雨篷夢歸

篷上雨潺：篷底幽人夢故山砌戶林扉元不開蕭
閑只有飛雲可往還波冷玉珊：一壑松風引珮環
咏得池塘春草句更開行盡千巖間

太常引壽晏齋

柳陰濯足水侵磯香度野籬薇芳草綠萼：問何事
王孫未歸一壺濁酒一聲清唱簾幙燕雙飛風暖試

輕水介眉壽遙瞻翠微

鵲橋仙

富豪休恃英雄休使一旦繁華如洗鵲巢何事借鳩
居數載主三易矣東家烟起西家烟起無渡碧翠朱
啓我來重宿半間雲日製唯餘此耳

鵲橋天

笠澤沿泗十五年親知情義日堪憐偷兒三顧吾何
有俗士羣譏自省愁聊淡尔豈其然田翁輕慢牧童
顛乃知造物深相与急使江湖棹去船

如夢令

削跡松陵華寓嚴密白雲深處造物已安排万事何
須先慮歸去：海鶴山猿同住

踏莎行

春渚芹蒲秋郊梨棗西風沃野收紅稻簷前多背媚
晴陽天涯轉瞬蘂芳草曾望漁村陶朱烟岳高風峻
節如今掃黃雞啄黍濁醪香開門迎笑東隣老

小桃紅

陸庄風景又蕭條堪嘆還堪笑世事茫茫更誰料訪
漁樵後庭玉樹當時調可憐商女不知亡國吹向紫
蕭蕭

一江秋水淡寒烟水影明如練眼底離愁數行鴈寫
晴天白蘋紅蕖參差見吳歌蕩槳一聲哀怨驚起鷺
鷗眠

五湖烟水未歸身天地雙蓬鬢白酒新筍會隣近主
剛賓百年世事興亡運青山數家漁舟一葉聊且避
風塵

憶秦娥

昨日嘗賦憶秦娥一首以介石齋前木犀感開伴
具一卮酒無使花神笑人寂寞蓋以風雨傷懷耳
茲重改呈又作一首共寓呈二君却不可默然也
扶疎玉簷宮樹影闌干曲一襟香露幾枝金粟短城
鏡掩秋雲綠無端風雨聲相續不須澄霽為酤醪醪
參差玉笙聲莫起瑤臺曲輕風香浸夜涼肌粟黃雲
巧綴飛霞綠清吟未斷秋霖續恐孤花意倒尊中醪

江城子

滿城風雨近重陽濕秋先暗橫塘蕭瑟汀蒲岸柳送
淒涼親回登高前日夢松菊送也應荒堪將何物比
愁長綠映一遠秋江流到天涯盤屈九回腸烟外青
簫飛白鳥歸路阻思微茫

蝶恋花

夜永愁人偏起早容髮蕭々鏡裏看枯槁雨葉鋪庭
風為掃閑門寂寞生秋草行路難行悲遠道說著
客行真箇令人惱久客還家貧亦好無家護自傷懷
懷抱

壬子九月廿五日訪照菴高士留飲因書近詞求
是正之益

題雲林詩集後

絕謝才情世不多手封詩卷寄江波宅邊東海鯨魚窟好着輕舟一釣蓑

虞集伯生

題雲林先生小像

才之英德之精坐松石儼像形噫安得斯人乎後生

天師張

天河之水清且漪雲林沈筆寫
新詩當時碌々者侏子上與陶
謝同襟期騷壇荒玄造編五海
虛冊瑚爰老乳商彝周鼎三千
季制度天令人莫改春林啾々
喧百禽而獨重此吟華音琢華
影澈照難續老我瞻風試一奎
蹇矣朝陽將以雲林詩繡梓
間以木予因綴數韻以贊之
天順四年前進士戶部郎
中同部卞榮漢



雲林詩集後序

世之人歿齒無聞者蓋多矣然
有以道德著功名顯文章鳴挺
然出於類者焉道德尚矣未易
及也功名則隨於用待律志
文章流進不遇於時退而因其
才之高下或績文或綴詩或攻
詞翰漆畫雖不逮建功業皆足
以有稱於世漢唐宋之偉人碩
士不暇及焉前元雲林倪先生
瓚遭此之季知其不可為也因
放跡於山水寓情於詩畫才高
一代人皆知重之今其歿且百
季遺墨之或存者咸贈於人

口金玉於當世功名侶未多讓
視後世無聞者蓋倍從無算矣
予曾大父西溪翁至正間與同
里彝齋王先生鶴溪張先生齊
稱於時雲林恒往來翁溪交誼
既洽題詠最多彝齋之季文靜
號梅西奮藏雲林集其孫景昇
近出而輯之予得覽焉不勝追
歎然慮謄錄久將愈謫而廢因
命工鳩梓用壽其傳且求詞林
宿學詩壇宗盟序其首而贊其
末庶乎先生之名於是益著云
樂正老人弟南蹇曦朝陽識